

HIPPOCRATIS C O I

T H E O L O G I A,
IN QVA PLATONIS, ARISTOTELIS,
ET GALENI PLACITA
CHRISTIANÆ RELIGIONI CONSENTANEA

E X P O N V N T V R:

A V T H O R E

I O A N N E S T E P H A N O
I A T R O P H Y S I C O V E N E T O .

Ad Serenissimum Venetorum Principem

F R A N C I S C V M E R I Z Z I V M
C L E M E N T I S S .



V E N E T I I S , M D C X X X V I I I .

A P V D H Æ R E D E S I O A N N I S D E S A L I S .

Superiorum permiffu.

HIPPOCRATES

COL

THEOLOGICAL

IN THE PLATONIC ACADEMY

ET GALENI PLACITA

CHRISTIANE PRAEDICATIONE CONSENTANEA

EX LIBRIS

UNIVERSITATIS


JOHANNES STEPHANUS

PHYSICO VENETO

MDCCCLXXXIII

FRANCISCVS ERIZIVM

CLEMENTIS



VENETIIS MDCCLXXXIII

ATQVE HEREDES JOHANNIS DE

SEMPER



SERENISSIMO
A L M Æ
REIPUBLICAE VENETAE
P R I N C I P I
FRANCISCO
ERIZZIO, &c.



RV D E N T E R olim ob
vnius Democriti morotim, at-
que inuāletudinem Abderita
Vrbem vniuersam, & Leges
suas egrotare exclamarunt,
sciebant enim bonos viros esse
Ciuitatum munimenta, non
menia, non turres, sed sapien-
tium virorum consilia. Quocirca Hippocrati totam

Ciuitatem offerebant pro salute Democriti, cuius sapientia illis erat instar omnis legis, & munitissimi Propugnaculi. Et profectò in terris nihil diuinius Principe sapiente, qui, Populis dum imperat, temperat, recreat, fouet, & ad summi illius, & optimi Conditoris exemplar unicuique benefacit, tuetur, beat. Is est, qui ad Dei nutum gerit omnia, cuius cor in manu Domini est: Tanta enim inter Deum, & sapientem virum intercedit similitudo, (sola enim sapientia conciliatur) ut Dei voluntatem Rex agendo exprimere videatur, vicissimque Deus Regis cor exponere. Quantum enim humana fert conditio, sapiens non potest esse malus, quare cum eius actiones diuinitatem amulentur, diuina verò operatio bonum perpetuò moliat, beati profectò Populi illi, quibus bonus, & sapiens Princeps præest, & moderatur.

Beati igitur VENETI, qui Principe sapientissimo fruuntur, cuius inclyta gesta terraque, Marique vsque adeò extant, ut sint Herculeis laboribus, aut Miltiadis trophæis clariora. Prisci illi Romani Religionem Numam efferunt, probitate Traianum, prudentia Fabium: Solonem commendant consilio Salaminij, Epirotæ rei militaris gloria Pyrrhum: Verum imagines sunt ad te (serenissime Princeps) in quo omnes virtutis numeri longè explendescunt. Quippe tute Nestor es, tute Thiresias, Prometheus, Achates tibi. Sed enim cum natura ita comparatum sit, (prout scribit Plato ad Dionysium) ut sapientia individua, perpetuamque

*Comitem habeat Potentiam, non est mirum, si affli-
ctam ab aduersis Remp. virtute tua erigere potuisti, si
Belli angustijs oppressam hoste potentissimo propulsato
vindicasti: Ut de te illud verè dicatur.*

Vnus Homo nobis faciendo restituit Rem.

*Quid verò? Ecce, dum Bellorum incendijs vniuer-
sus Orbis conflagrat, dum Mars toto sauit orbe, Po-
pulos tuos pulchra in pace tueris, quæ nihil suauius,
nihil optabilius humanæ societati accidere potest. Tu
summa cum prudentia libertatem, copiam, rerumque
omnium affluentiam longè curas, Pauperes recreas, &
subditos ad tui normam componis.*

O Venetam foelicem Vrbiem, foelicia Regna,

Quis inter licuit prælia pace frui.

*Hæ virtutes, hæc merita Populorum acclamationes,
& applausus excitarunt, cumque ego tuus sim, clemen-
tissime Princeps, non potui, quin ad te venerabundus
accedam, & munus mole quidem exiguum, religiosè of-
feram, meæ deuotionis symbolum. Hippocraticam di-
co Theologiam, in qua diuina ethnico quidem more,
sed ad nostram Religionem accommodato tractantur,
quæ cum primæ sapientiæ orgia, & mysteria contineant,
tibi, (sapientissime Princeps) deberi in animum indu-
xi, diuina enim non nisi Diuo cuidam exhiberi debent.*

*Faxit igitur Deus, vt conatus mei haud omnino tibi
improbentur, ita enim fiet, vt sub tui nominis splendo-
re liber emissus auctoritatem nanciscatur, & calum-
niantium dentatos sales effugiat: Ecquis enim fetum*

tuo Numini dicatum audeat infimulare?) Interim
verò (optime Princeps) meam tibi obtestor voluntatem,
nihil mihi unquam fuisse antiquius, quam mea erga te
obseruantia, & deuoti obsequij specimen aliquod præ-
ferre, ita enim sibi me obstrinxerat heroica virtus,
ut litare tandem oportuerit.

Te Patriæ, Patriamque tibi Regnator Olympi
Sospiter, & longas imperet ire dies.

Acclamant Populi. VIVAT. cui Copia cordi,
Paxque, & Relligio, iustitiæque modus.

Te Patriæ, Patriamque tibi Regnator Olympi
Sospiter, & longas imperet ire dies.

Acclamant Populi. VIVAT. cui Copia cordi,
Paxque, & Relligio, iustitiæque modus.

Te Patriæ, Patriamque tibi Regnator Olympi
Sospiter, & longas imperet ire dies.



P R Æ F A T I O.



QUAM sum pollicitus Hippocratis Theologiam, nunc qualemcumque prodo. Parcere decreueram iudiciorum aciem veritus, sed adeo me sibi deuinxit Hippocrates, vt nominis iacturam facere maluerim edendo, quam ingratitude notam premendo subire.

Nihil acharistia foedius, nihil frequentius; Vt vel discipuli mulorum instar Præceptoribus pedes impingant. Nefas execrandum, quod tamen deterioris notæ homines inuadit, qui que humi serpunt: Humaniores, & sciti non patiuntur tale nefas ad fores accedere: Instructas præmittunt Charites, vt male accipiant: Duplo pensatur gratia, nec quicquam tam exile ædes subit, quod antipelargia non rependatur. At verò me extra cancellos egit animus iratior, ita aduersatur flagitiosum scelus; valeat, vbi pro Perca Scorpionum. Redeo ad rem. Hipp. Metaphysicam in pauca contraxi, tum quia in paucis consistit veritas, tum quia temporis angustijs presus vberiore non potui promere doctrinæ succum,

cum, qui hunc tamen vel primoribus labijs liba-
rit, non diffitebitur diuinam senis erga Deum pie-
tatem, atque recognitionem. Genus autem scri-
bendi medium adhibui, ne si elegantiores vocolas
vsurpasssem, obscurior fierem. Frequentior inter
disputandum Platoniorum incidit mentio, quod
expressius, & præclarius diuina tractarint. Interim
etiam interseuisse quædam è Christiana Theologia
prompta non dubitauit, & analytica despxi præce-
pta, vt pia, diaque senis sapientia magis extaret.
Nec minus de Prouidentia Dei crebra intercidit
dissertatio, vt etiam tautologias vitium commise-
rim, quod sine eius præfatione proposita disputatio
probari satis non posset. Quin altius quædam re-
perere opus fuit, nam quemadmodum qui feram
capturi longa indagine saltus circundant, & perua-
dunt, vt in casses conijciant animal, ita accliuem
perihagesin incurrere mihi necessum fuit, vt Hipp.
sententiam assequeretur, quæ in hoc argumento per-
inde se habet, atque in composito pharmaco basis,
quæ plerumque virtute modò cæteris præponde-
rat, nam quæcunque circumscribuntur, illius ergò,
& hac de causa Hippocraticam appellauimus
Theologiam.

Loquaces.

Res faciat, non verba filem, procul ite | *Maligni.*

Prophani.



HIPPOCRATIS

C O I

THEOLOGIA

IN QVA PLATONIS, ARISTOTELIS,

Et Galeni Placita Christianæ Religioni

Consentanea exponuntur.

A V C T O R E

IO ANNE STEPHANO

IATROPHYSICO VENETO.

Quod Deus humane princeps sit causa Naturæ.

Caput Primum.



GREGI⁹ magnus ille Alexander, cum in Iouis Ammonis templo à Vate dictus esset Iouis filius, nihil mirum, inquit, nam Iuppiter omnium quidem naturâ Pater est, at ex ijs optimos quosque peculiariter suos facit. Nec inscitè Parmenides, vnum esse id, quod est, constanter asseruit, si quidem testante Simplicio, quod verè per se, & maximè est, vnum, nempe Deus est, cætera, quæ sunt, haud simpliciter, sed aliquid sunt, quum deriuatam habeant

A

sub-

substantiam. Et sanè quidquid in hac rerum immensitate consistit, triplici ordine distribui, compertum est: Quædam enim duntaxat existunt, vt elementa, & inanimatorum genus omne, quædam vita, motuque fruuntur, quædam præterea intelligendi sublimitate perficiuntur. Vniuersa hæc natura quodam ordine continetur, ordo autem ad vnum primum adspirat, quare singula ad vnum primum referri necessum est: Primum autem in aliquo genere reliquorum, quæ sub illo genere coercentur, causa est; hæc verò cum sui similitudinem, & characterem imprimat, par est, vt primò, maximèque sit, viuat, & intelligat: Atqui huiusmodi Deus est, quum sua sit Vsa, Vita, Intelligentia. Quamobrem ad Deum, vtpotè ad primum τὸ ὄν, primum quod est, primam vitam, primam intelligentiam referuntur singula, ab eodemque pendent. Cui quidè sententiæ ne Arist. quidè renititur, nec Au

Lib. xij.
Metaph.

Hoc autem interesse videtur, quòd vti Deus singul creando suam cuique naturam communicat, ita vitam intelligentiamque formæ perficientis instar, quod sar manifestè constat, siquidem suam singulis substantiæ nullo supposito impartitur, vitam autem, intelligentiamque præiacenti iam substantiæ insinuat, inseritque, quæ idè actus, perfectionisque sunt instar, quòd substratam instruunt, exornantque substantiam.

At Peripateticus aliquis ab Alexandro Auditorio possit obijcere: Deum hyperusium Mundum mouere, & regere vti finem (æquum enim est, vt nobilioris causæ nomine dignetur) quare à mundano hoc opere facilè vindicatur. Cui responsum volumus; dum coelorum motrices Intelligentiæ in suum Creatorem intuentur, mouentque singulæ suos orbes diuinitatis radio collustratæ, vt illius imperio obsequantur, suasque actiones referunt ad primæ causæ gloriam, mouere quidè Deum, ceterum finem, vt efficientem verò, quia illis vim mouendi suorum orbes,

3
orbes; & motu vniuersitatem gubernandi concessit.
Id quod Simplicius planè asseruit, immo alios perstrin-
xit, qui aliter sensisse Alexandrum arbitrati sunt. Quam
enim tenus, inquit, Deus mouet coeleste corpus, om-
nium, quæ sub Luna sunt, effectiua causa existit, quatenus
verò Intelligentias ut appetibile, & desiderabile mouet,
finis est. Ceterum licet hæc mundi concinnitas, & spe-
rata in singulis pulchritudo Authoris sui immensitatem,
& sapientiam præclare demonstrant, (scitè enim Trisme-
gistus in Pimandro, inquit, cum statuum, & imaginem *Cap. 5.*
absque Fabro, & Pictore fieri, nullus audeat asseuerare,
Miram Mundi huius constitutionem sine conditore con-
stituisse putabimus?) Vnum tamè hominem Galenus con-
templatus, eiusque structuram, mirari primùm, tum excla-
mare coepit, à natura mortali tam admirabile opificium ef-
fingi non potuisse, sed à Deo, aut sapientissima Intelligen-
tia, cum enim tam incredibili artificio omnia concinna-
ta, atque connexa videret, non potuit non erigere oculos
in coelum, & diuinius sapere. Propterea scripsit, se Com-
mentarios de humani corporis natura, ceu hymnos quos-
dam conditori suo composuisse, propterea quod ex his
appareret, quænam ipsius Creatoris sit sapientia, quæ bo-
nitas, quæ virtus, ignoratio quorum summa est impietas.
Quod enim, inquit ille, cultu conuenienti exornari om-
nia, nullique bona inuiderit, id perfectissimæ bonitatis spe-
cimen esse statuo; Inuenisse autem quo pacto omnia a-
dornarentur, summæ sapientiæ est: At effecisse omnia, quæ
voluit, virtutis est inuictæ.

Possitne Moses de Deo præstantius quicquam effari?
Possitne Theologus? Ecce ut ex visibilibus inuisibilia
Dei cognoscit. Ut per creaturam Creatorem colligit, &
colit? Potuitne Plato ab Ægyptijs diuinius quippiam
ediscere? Ille Moses Atticus perhibetur, quod scripserit,
per Idem Deum effecisse Mūdum, verū materiam sin-
git Deo synchronam, & contemporaneam, quasi sine ma-

*Lib. 3. de
Vsu Par-
tium.*

teria non potuerit Mundum procreare: Materia adiungit Idæam, siue sapientiam, vt in pondere, numero, & mensura opus tam perfectum condèretur; quam tametsi expungere conatur Arist. quòd sapientia tota in cõtemplatione sit posita, contemplatio in se, & intra se vertatur, efficiens extra, & in alio, defendi tamen potest, & certa ratione stabiliri: Nam si sublunaria omnia ad cœlestia referuntur, hæc autem ad primum Motorem, quum in habentibus ordinem ad vnum primum sit perueniendum, necessum est, vt quidquid ortum subit, naturam suam induat deriuata à primo motore virtute, qui omnium Author est, quum verò vnumquodque agat iuxta naturæ suæ modum, & ingenium, Deus autem naturæ summæ intellectualis sit, intelligendo agit, sicut ignis, qui igneæ est naturæ, agit vrendo, atqui non posset Opifex rerum omnium productionem moliri, ni singulorum formas, & Ideas in se se contineret *Pulchrum pulcherrimus ipse*

Mundum mente gerens, similique in imagine formans.

Quamobrem connatum exemplar eorum, quæ fiūt, Deum circumferre mēte, non est absurdum, connatum, inquam, non separatum, quale Xenocrates finxisse creditur, quod sibi Deus ob oculos ponat aliquid in nostrate hoc Mundo creaturus.

Lib. 9.
cap. 8. de
Hippocr.
Plat. Placitis.

Sed ad Galenum reuertamur, qui summi Opificis prouidentiam in humano corpore condendo conclusit earum rerum similitudine, quæ ab hominibus fiunt. Nam, inquit, si fines ad quos fabrica hæc (loquitur de humano corpore) constituta est, connumeraueris, eosque omnes assecutum esse Opificem deprehenderis, quid aliud quàm euidentem eius magnitudinem, potentiamque cognoscas? Quocirca (paulò post infert) temerariam, ac fortuitam, neque artificialem causam fabricæ nostri corporis existimare absurdum est.

Quibus sanè veteres quosdam Physicos perstringit vtputa Democritum, qui omnia temerario quodam Ato-

mo-

5
morum congressu consilari credidit, carpit & Hippocra-
tem, qui naturam nostræ creationis opificem facit, non as-
surgit ad Deum. Sed vt liberè dicam, negligenter ad-
modum in hæc rē, alioquin oculatissimus, connixit, Hipp.
enim tā præclarè de Deo, quàm quilibet alius. Ita enim ille.

De scæminea verò natura hæc dico, sentioque, *Lib. de Muliebri Natura.*
maximam quidem causam, & potissimum quid
in hominibus esse diuinum Numen, &c. Vnde
scitissimè colligit Caluus, Deum esse potissimum
Authorem, & præcipuam causam rerum huma-
narum. Cæterum lib. primo de victus ratione
Deum tam cōceptis verbis vniuersæ naturæ con-
ditorem efficit, vt nihil clarius. Naturam, inquit,
omnium Dij ornauerunt, quæ verò homines fe-
cerunt, nunquàm similiter semper rectè, & non
rectè se habent, sed quæ Dij, semper eodem mo-
do, & ritè habent, &c.

Proh Deum immortalem, & adhuc erit aliquis, qui se-
nem insimulet? Quis hinc vel singularem Dei prouiden-
tiam non coniicit? Palam enim Deum singula iuxta
naturæ suæ meritum exornare, & perficere, quin in
vniuerso ordinis, & constantiæ, atque adeò naturæ
authorem esse profitetur, vt nisi Cæcus non inspiciat
piam, præclaramque Hippoc. mentem erga Deum. Hinc
Plato, Deus, inquit, omnium rerum gignendarum ideas
continens, eandem menti confert, mens ex præscripto Dei
animam Mundi docet, anima Mundi semina, vegetalem-
que vim cum idoneis spiritibus parit, & condit, quam na-
turæ committit, per quam in materiem concinnè paratam
insinuantur, atque infunduntur.

Deū enim instar centri esse, credidit Plato, circà quod
circuli quatuor, Mens quippe, Anima Mundi, Natura,
Materia. Ad hanc sententiam collineauit & Pergamenus, *Lib. de*

format. ubi scripsit, Deum scilicet instar summi Artificis rerum
sat. c. 6. feminibus agendi principia largitum fuisse, ut ex illius

Lib. 3. cen. autem Galeni Assecla ait, virili semini plus inesse for-
F. 19. c. 2. mæ iussu Dei, quod hinc hominis formatio inchoatur.

ob. d. 1. *Formatricem* vero vocat vnum ex Dei arcanis.

irrationat. *Lib. 1.* At vero naturam, dicit quispiam, passim inculcet Hip-
in. 1. 1. 1. pocr. Ita sit sanè. At qui naturam dicit, Dei providentiam

insinuat, natura enim primum, & commune motus pri-
 cipium definitur, ac quale hoc esse possit nisi primus Mo-
 tor? Arist. Natura modò ordo, modò ordinis causa di-
 citur in vniuerso, sed quæ potest esse ordinis causa præ-

Lib. 1. de. ter ordinatorem Deum? Huc respexisse videtur etiam,

Cylo tex. quando scripsit, rectè fecisse naturam, quæ cœleste corpus

20. ortus, atque interitus futurum expers exemit à contrarijs:

Lib. 2. de. Item, naturam id semper omnibus velle, quod est melius.

ortu tex. Vnde Vates ingeniosus.

59. *Ovidius.* Hanc Deus, & melior licet Natura diremit.

Quibus locis natura sumitur pro Deo.

Lactantius Firmianus, Natura, inquit, remotà provi-
 dentiâ, & potestate diuinâ prorsus nihil est, quia cū Na-
 tura nascentiam quandam dicere videatur, necesse est
 mentem esse diuinam, quæ rebus omnibus sua providen-
 tia nascendi principium præbeat.

Huc accessere Mercurius ille ter maximus, Pythagoras
 Plato, quos scimus naturam fecisse vniuersale principium,
 vimque à prima causa per Coeli motum in alia corpora
 bñia diffusam, quæ etsi vna sit, pro corporum tamen
 varietate suscepta fiat diuersa.

Huc etiam Seneca, Plinius, Sextus. Empiricus, & è re-

Lib. 4. centioribus Scaliger concessere, naturam scilicet esse Deum

de Benef. ipsum, diuinamque rationem toti Mundo, & singulis par-

cap. 7. tibus instam, omnesque recto ordine gubernantem. Et

Plin. lib. me hercule cum vniuersa hæc mundi natura omnia conti-

2. c. 7. nens, & per cuncta rerum meabilis Solis, & Lunæ, cæte-

Scaliger
exercit.

rorumque syderum cursuram, temporumque vices, & *aduersus*
 oceani reciprocos temperans ætus, hancque rerum im- *Cardan*
 mensitatem rato ordine regens tam sapienter omnia gu- *1.7. 17.*
 bernet, atque moderetur, fateri necessum est, diuina qua- *10. 278.*
 dam mente architecta trice, & protectrice vti, quæ omnia *323.*
 recta ratione administrer, & prouidenter tueatur: Hæc *339.*
 verò ipsius ratio lex est naturæ: è summa mente, Deique
 numine profecta. Hinc Plato. Cum Deorum Sator, in-
 quit, mundum, naturamque conderet, huic simul leges fa-
 tales indixit.

O qui perpetua. Mundum ratione gubernas
Terrarum Cælique Sator, qui tempus ab æq
Ire iubes, stabiliſque manens das cuncta moueri. *Boetius*
lib. 3. de
conf. Phi
losoph.

Abſit tamen, vt cum Stoicis naturam cum Deo con-
 fundam, qui perinde differre ſcio, ac ſeruus à Domino:
 Natura enim addicta, & veluti iugata materiæ; non po-
 teſt, quin eius in agendo imploret auxilium. At Deus im-
 materiatus omnino, vt eſt ſupra fatum, ita ſupra natu-
 ram, quia extra motum, locum, & tempus (quibus affe-
 ctionibus rebus cauſa materiæ in hærentibus continetur
 fatum, & natura) quare cum liberrimus ſit, nec materiæ
 inſitus, alius à natura eſſe videtur. Accedit, naturam pa-
 tiendi potiùs, quàm agendi principium ab Aphrodiſæo
 appellari, cui poſt Simplicium applauſit D. Thomas hoc
 vel in Cœlo verum eſſe aſſeuerans, quod ſine piaculo de
 Deo dici non poteſt, cum ſit puriſſimus actus. Ad hæc
 naturæ eſt finita, & ad vnum determinata potentia, vtpo-
 te humani ſeminis ad hominem, at Dei indefinita, & in-
 finita, agit enim liberrima non impedita, aut coacta vo-
 luntate. Denique Ariſt. ipſe prodidit, naturam ipſam
 ſemper, quod melius eſt, quantum poteſt, efficere, hæc au-
 tem limitatio impotentiam quandam arguit, quam in
 Deo concipere ſit nefas.

Ita tamen Stoicos reiſciò, qui Iouem ſui fati compedi-
 bus alligant, vt vniuerſalem illam poteſtatem per ſingula

meabilem, quam communem appellant naturam h.c. effectricem, & directricem singularis naturæ summam Dei rationem esse concedam.

Etenim ubi multa conspiciuntur in vnum finem disposita, atque coordinata, & in eum per sua Munera absque cognitione, & cogitatione tendentia, aliquam necesse est cogitare Intelligentiam, quæ & finem cognoscat, & ordinet omnia, siquidem ordinatè disponere intelligentis, & Sapientis est. Hinc Auenthois, atque Themistius non errantis Intelligentiæ, opera Naturæ nuncupabant. Quare & Plato de diuinis agentibus ad naturalia descendit, vicissimque naturalia percurrentes ad diuina perrexit, quibus hæc naturalium sint principia: sed tempus est, ut huic disputationi colophonem imponamus.

Lib. 12.
Metaph.
lib. 1. de
Anim.
c. 23.
In Parmenide.
In Timæo.

Quod Spiritus omnia replet.

CAPVT II.



AB vniuersali quadam natura in proprios fines singulorum opera dirigi, apud Philosophos in confesso est: Illam Stoici spiritum nominatim appellant totum mundo infusum, qui varias sortitur appellationes pro varietate materiæ, cui se se infinuat, de quo in præsentiarum paulo diligentius nobis est edisserendum, ut Hippocratis nostri sententia, & quantum cum sacris litteris conueniat, constet.

Libro
Primo
Prognosticæ.

Age ergo corpus cum Platonice in solidum, & spiritale diuidamus, hoc, quidquid oculorum aciem effugit, appellant, cuius quidem plures extant differentiæ: Nonnunquam pro anhelitu accipitur, ut apud Hipp. spiritus frequentior dolorem, & accensionem significat in his, quæ sunt supra diaphragma; Nonnunquam significat Animam. Vnde Epicurus Vates.

Spi-

Spiritus eque feris humana in corpora transit

Inque feras noster :

Medici pro suo usu spiritum vocant substantiam ætheream minimè conspicuam caloris, & facultatis sedem, animæque cum corpore vinculum, primumque obcundæ functionis instrumentum.

Spiritum hunc transmūdani Philosophi multifariam, dum illud Geneseos. *Spiritus Domini ferebatur super aquas*. interpretantur. Quidam enim arbitrantur, eo Mosem aëris elementum indicasse, aut ventum, cuius flatus, atque reflatu admirabilis est reciprocatio, cuius est ingenium super aquas efferri, quod quidem verbum (ferebatur) indicat. Appellari autem Spiritum Domini volunt, vel quod à Deo immissus esset, tunc enim naturales causæ, quæ flatus cierent, præsto nihil erant, seu quod ventus ille præpotens nimis, ac vehemens esset, Moïsi enim Mos est, ubi quippiam eximium significare vult, Dei nomen adijcere, ut cum Cedrus Dei, Civitas Dei dicitur.

Quidam haud ventum, aut aerem, at vim quandam vitalem, & energiam, impressamque aquis fecunditatem intelligunt: Nec enim infrequenter mysticæ paginæ, cum subitam quandam vim, & efficaciam ad aliquid insigne patrandum significare volunt, Domini spiritu vtuntur, ut cum dicitur, spiritum Domini in Plansonem irruisse, & discerpisse Leonem. Quo spectat & illud, spiritum Domini sustulisse Eliam, & rapuisse Philippum. Idem verò Moïses dicere voluit, in principio Deum vim indidisse aquis, ut intelligeretur, quæcunque postea facta fuissent, aliunde virtutem, nimirum à Deo suscepisse.

Nec desunt, qui per spiritus Angelos notari autument, qui Cœlos, maximè primum mobile pernici celeritate cient. Quo significatu apud Regium Yatem scribitur. *Qui facis Angelos suos spiritus*. Aquarum autem nomine significari Cœlum, non est novum, nec insolens, si qui-

B

dam

Tertullianus aduersus Hermogenem, cui applaudis Theodoretus quæst. 8. in Genesim.

Chrysostomus Hom. 3.

Caetani.

dem Cœlum hebraicè appellatur schamain ab aquis deducto vocabulo. Quare Cœlum Christallinum, quod primum mobile credunt, quum sit pellucidum, & perquam diaphanum, aquæ nomine ritè donari poterit.

Andreas
Alpagus
Bellunen
sis comm.
in lib. de
Anima
Auc.

Auicennæ Interpres. Intelligentiam quandam committitur secundum Deum nobilissimam, quæ singulis assistit, nostraque potissimum dirigit munera.

Ab vno, inquit, (hoc ceti protitum axioma apud Poënos est) prout vnum est, non prouenit nisi vnum, atque vni Deo maxime congruit vnum esse, quatenus vnum, quum omnium Deus sit simplicissimus, atque purissimus actus, quare à Deo non prouenit nisi vnum. Hoc autem non est nisi vniuersalis Intelligentia cæteris Intelligentijs secundum Deum abstractior, puriorque, quarum essentia, & energia non modò à Deo pendet, sed etiam ab hac superiore Intelligentia, quæ Deum proximè est, atque adeo nobilissima. Hujc sententiæ Sacræ Genesios verba accommodat (*& spiritus Domini ferebatur super aquas*) vnde confici putat, atque concludi; spiritum hunc, quem Intelligentiam indigitat, ante terram, & aquam procreatum fuisse. Quod igitur à Deo, inquit, primum procreatum fuit, spiritus est, nempe spiritualis illa substantia à corpore abstracta, quam Arabes Philosophi à Deo primum emanasse, certo credunt, Peripatetici verò, qui mundum semper fuisse, & permanensurum arbitrantur, Intelligentiam hanc proximè à Deo pendere dictarent. Auic. autem hanc simplicem Intelligentiam à Deo productam plurimum effectricem agnoscit, à qua cæteræ Intelligentiæ, mundanaque cuncta vim inspirante Deo fiunt, & gubernantur. Præterea homini foelicitatem, supremamque beatitudinem contingere ex animæ copulatione cum vniuersali hac Intelligentia, quæ dum hic agimus humanæ assistit animæ, cœli lumen solis visui, existimat. Quæ & si ingeniosè proferuntur, digna tamen sunt, in quæ fiat acrior

acrior animaduersio, neque enim Philosophus, aut Theologus admitteret; sed nobis, qui aliò pergimus, parcere, temperareque visum est.

Sunt denique, qui per spiritum tria intelligi volunt, nempe Spiritum sanctum, ventum, siue aerem, aut vitalem quandam creaturam, qua vniuersus orbis visibilis commouetur, & continetur. Augustinus.

Platonici verò spiritum hunc animam Mundi nuncupant, quæ adscripsit Maro.

*Principio calum, & terram, camposque liquentes,
Lucensemque globum Luna, Titaniaque Astra
Spiritus intus alis, totamque infusa per artus
Mens agitat molem, & magno se corpore miscet.
Hinc hominum, pecudūque genus, visaque volarum,
Et qua marmoreo feremoustra sub aquore Pontus.*

*Virg. 6.
Mæcad.*

Boetius verò eandem sententiam his modis eleganter expressit.

*In triplicis mediæ naturæ cuncta mouentem
Connectens animam per consona membra resolis,
Quæ cum secula duos motuum glomerauit in orbes,
In semet reditura meat, mentemque profundam
Circuit, & simili conuertit imagine Calum.*

*Lib. 3.
Metro 9.*

Animam Mundi mediæ appellat, quòd inter Deum & hominem mediæ est; triplicis verò naturæ dicitur ob triplicem operationem, qua Deum, & semet ipsam cognoscit, & orbem conuertit.

Siue igitur spiritus iste Deus sit; tertia scilicet persona Trinitatis, quemadmodum Græcorum, & Latinorum Patrum pars maxima credit, siue vis, & potestas illius per totum orbem diffusa, Hippocrates Platonis, & Christianis Theologis appositæ, & accommodatè locutus est, scribens ab hoc repleri omnia, temporumque vices, & discrimina peti, Solemque, & Lunam perpetua vertigine circumferri.

Quid autem, inquit, sine hoc sit tandem? Aut

Lib. de
Flatib.

cui rei non adest? Omne enim quod inter Cœlum, & terram est, spiritu repletum est, hic & hyemis, & æstatis caussa est. Quin & Solis, & Lunæ, & astrorum omnium cursus per spiritum procedunt. Quare Solis perpetuum cursum Spiritus, & æther perennis, & tenuis esse facit, &c. Hæc Hippocrates, quibus certè non aërem, qui nos ambit, & quem inspiramus, non flatum ex terrina exhalatione manantem intellexit, sed latentem præterea energiam per singula meabilem, quæ ut cœlorum motus moderatur, perpetuatque, ita temporum vicissitudines parit.

Vallerio
la comm.
in lib. de
Flatibus.
Theod.
Zuinge-
rus côm.
in lib. de
Flatibus.

Non defuere, qui difficili hac sententia impliciti tamquam Dædali labyrintho, librum hunc Hipp. esse negarunt. At cum liber iste multis alijs, ut de Arte, de Veteri Medicina, de semine, de Natura humana, de Pueri natura *αἴξιν* similis sit, neque quoad *ταξιν* Hipp. indignus, omnino pro genuino agnoscendus; Spiritum hîc tandem vultuosi, & indignabundi aërem interpretantur, verum e tanta difficultatè tuti priùs non enatant, quàm multigenis atoporum fluctibus obruantur. Quî enim aër omnia replet? Ignis enim sub Luna subest, qui cœlorum motu agitated huc demittitur, ut cum cæteris elementis mixtus misceat, & generationis fiat parens. Quî Solem, & Lunam perpetua vertigine motet? Nemo, nisi infantissimus, & qui dedita opera rerum ordinem turbet, aërem tantum habere virium, ut agat in cælestia, admitter. Scitum est, cælestia peregrinis impressionibus non esse opportuna, quòd materiâ communicent, quæ vicissim mutua pugna configunt. Nefas sit igitur, scitissimum senem tam supinæ ignorationis insimulare, qui optimè norit, aëri superesse ignem, ut docet lib. de Principijs, inferioremque hanc naturam supernis esse subditam lationibus. Impossibile est, ait Arist. Cœlum moueri ab aliquo in terra existente. At verò Plato non decere, dixit, rem antiquio-

Lib. de
Anim. l.
mora.

rem à postgenita regi. Audenter igitur asserendum hic pro spiritu diuinum Numen per totum orbem diffusum intelligi, quo tum fiunt, tum fouentur omnia. Subest enim homonymia, ad quam non collimantes alij in seculos offenderunt.

Ecce Iuppiter, qui Coelum, terramque replet, cuius omnia plena: In quo sumus, viuimus, mouemur. Iure igitur scripsit senex, sine eo nihil fieri, & rebus omnibus adesse. Quia enim quidquid est, primæ causæ est participatio, quæ vniuersa disponit, & reliquis vim tribuit, rectissime Theologi Deum vbique esse per essentiam, præsentiam, & potentiam pronunciarunt. Quid quæris?

Deus ipse apud Hieremiam; *Numquid*, inquit, *non Cælum, & terram ego impleo?* Ad hæc, spiritum Domini replese orbem terrarum, sacræ paginæ tonant. Scire tamen licet generalem, hanc causam rebus hisce, quæ mouentur, externam esse, neque veluti partem intimam earum essentiam constituere, tametsi alio quodam intellectu dicatur Deum per essentiam in singulis esse, quatenus immensitate sua omnia replet, conseruat, datque, vt operentur. Deus est omnia, inquit Parmenides, quia omnia continet. Desinant Platonici posthac Præceptorem suum diuinum appellare, suspiciant, & admirentur Hippocratem Platone vt antiquiorem, ita diuiniorem. Vnde putas, animatum esse mundum, didicisse Platonem, nisi ab Hippocratem, quem sæpe citat.

Sic enim libro primo de Diæta. Ego tamen hæc Cap. 4. secundum rationem exponam: Animalia enim sunt & illa, & hæc, & neque Animal mori potest seorsum ab omnibus (totum enim moreretur, nempe mundus) neque quod non est generari, quum non sit, vnde generetur. Sed augentur omnia, & minuuntur ad summum, ad minimum quantum eius fieri potest.

Quo loco Hipp. non modo animatum esse Mundum, verum etiam nullum omnino corpus interire, neque fieri, quod prius non erat, probat, ceterum permixta, & disscreta affici, atque permoueri.

Lucretius.

*Nec peris in toto quicquam, mihi credite, Mundo;
Sed variat, faciemque mutat.*

Quæ sententia à Philosopho subinde conuellitur.

Galenus Hippocratis applausor, mundum ab hoc spiritu gubernari habuit pro confesso.

Propterea, quis, inquit, tam demens audeat negare esse quandam mentem, cuius vis sit admirabilis, omnes terras permeantem, & in omnes partes diffusam? Sed nulla est pars mundi terra ignobilior, igitur per vniuersum diffusum esse spiritum illum viuificum, ratum sit, & constans.

Non me præterit, spiritum hunc, quem Zeno ignem, Hesiodus Amorem mundi totius opificem appellat, Peripateticos inuitos audire, quia si natura sit vis genitrix, & genitorum cōseruatric, quæ quotidie noua coelitus influit Astorum potissimum solis motu excitata, quid opus est substantia permanente genitrice, & cōseruatrice? Vnâ posita tollitur altera. At sensus quotidie nouam influere demonstrat. Quare non est, quod spiritus iste feriatius introducat. At nos ex ordine, & immutabili constantia vnâ cum Hippocrate hunc spiritum arguimus, atque admittimus, quo vniuersum ritè gubernatur, & singula in proprios fines, quos ipsa non cognoscunt, diriguntur. Nec tamen cum Platoniceis Animam mundi, aut cum Auicenna

Lib. 1. de
Anima
tex. 86.

Cosmodæmon appellamus. Sanè Aristoteles ob eam potissimum causam Thaletis opinionem reiecit, omnia Dijs plena esse asserentis, quod crediderit, voluisse eum, Deum rebus omnibus esse permixtum, seu animam, & formam quandam, quod sanè foret absurdissimum, siquidem diuina natura parte aliqua mutilari nequit, neque vllius rei forma, & pars euadere, quod imperfecta, & dimidiata esset.

sentia

sentia proprium hoc fit. Eius tamen Numen, atque potestatem per vniuersum diffusam non negauit, dum Heraclyti retulit verba. Heraclytus enim in furnaria casa caloris causa sedens, ad illos, qui illuc accesserant sui gratia, & ingredi temperabant, scire proclamauit; Accedite huc, inquit, confidenter, nam ne huic quidem loco Dij desunt immortales. Qua de re praeclare pronunciauit Simplicius: omnia, inquit, Deo plena sunt, vt Creatore, Benefactore, & omnia continente. Cuius quidem sententia ijs perperenda est, qui Deum effectricem Mundi causam, & sublunarium curam, prouidentiamque gerere iuxta Peripateticos inficiantur.

Diogenes Mulierem conspicatus ad Deorum aras tam incuruato corpore incumbentem, vt obscena quaedam apparerent, non vereris, inquit, mulier, ne stante post terga Deo (cuncta enim plena Deorum sunt) inhoneste habeas.

Dæmonas autem quum ab amico admoneretur, vt secum in Æsculapij templum iret, Dominumque pro salute filij oraret; adeone, inquit, surdastrium existimas Deum, vt nos nisi in templo sit auditurus?

Sanè hanc Dei præsentiam in omnibus rebus sacri Doctores ex diuinæ essentia immensitate, atque infinitate colligunt, & argumentantur. Nam si aliquid esset extra Deum, infinitus non esset, sed finem haberet, & limitem præfixum. Sed & necessaria ostendit ratio, Deum in omnibus agere non modò creando, sed & conseruandò, & cooperando, nihilque agere, aut perfungi posse officio, vbi non est. Rectè proin Trismegistus in Æsclepio, Mentem, nempe Deum, seipsa stare conseruatricem omnium rerum, in ea que vniuersa viuere, & consistere. Item Author libri de secretionem sapientia secundum Ægyptios, sicut centrum circuli in se ipso est, inquit, lineæ autem ab eo ductæ ad ambitum, ipseque ambitus cum punctis in eodem centro existit, sic quoque naturæ omnes in primo Agente consistunt, & ab eo conseruantur, id appetunt, &
ad

Lib. 12.
c. 19.

2. Sent. ad id reuocantur . Hinc Durandi error deprehenditur
 d. 1. q. 5. affirmantis, causas secundas ita munera sua obire, ut nulla superiore causa, ne quidem Deo indigere adiuuante .
 Quatrifariam enim Deus in his inferioribus suam exercet efficientiam, primò quia cæteris causis vim indit agendi, insitamque conseruat virtutem, dein quia singula mouet, Postremum quia ut Artifex per instrumenta suos promittit effectus, & pro organorum diuersitate varia effinguntur opera, ita Deus per minores causas agit. Hoc autem interest, quòd Deus, cuius infinita est substantia, nihilo penitus intercedente attingit effectum, Artifex autem non nisi machinamento : Præterea instrumentum nullam se ipso edit actionem, nisi aliunde moueatur : At inferiores causæ à Deo profectò vim susceperunt ingenitam, qua verè operantur, & sibi congeneres proferunt effectus, homo hominem, Leo Leonem . Vnde etiam Fracastorij erroneus lapsus elucescit, negantis Deum cum secundis causis immediatè cooperari .

Lib. 2. de
intell.

Lib. de Sed reuertamur ad Arist. qui de Mundo differens, spiritum hunc diuinum planè inuexit. Spiritus, inquit, dicitur quædam tum in Plantis, atque animalibus, tum per omnia commeans, animata, foecundaque substantia. Hic ergo longè, latèque diffusus omnia continet, omnia latificat vitalem mundi animam, ipsamque naturam secum afferens, quæcunquè subierit vitalia faciens .

Paparel Quidam melioris notæ Philosophi mundi animam interpretati sunt cœlestium orbium motrices Intelligētiæ, præcipuè verò Solis, quæ omnes mēte, intellectuque summo bono, idealique menti incumbunt ; circulari autem sphaerarum motu perpetuo elaborant ad corruptibilem hunc mundum perficiendum, seminariam, vitalemque virtutem materiæ infundendo . Platonis opinionem de Anima Mundi difficillimam vocat D. Thomas, & modicæ utilitatis ; propterea & ipse dixit, animam Mundi esse
 in Met. 9. lib. . Intelligentiam orbis motricem, quæ per motum virtu-

tem

tem suam influit inferioribus.

At verò de hac ipsa re Galenus ita planè refert. *Lib. de
Hister.
Phil.*
Reliqui omnes, animam habere, prouidentiaque regi mundum arbitrantur: Democritus, Epicurus, & quotquot atomos, & casum introducunt, neque animam habere ipsum, neque prouidentia regi inquirunt; sed bruta quadam natura. Arist. non anima, non ratione, non mente, non prouidentia præditum mundum omnibus suis partibus existimat, sed cælum tantummodò, cœlestes enim orbés singulos, & animam, & vitam habere. Reliqua verò infra cælum posita omnibus his carere. Quod si aliquo ordine frui videantur, non ex se illa ipsum habere, sed incidenter, quatenus à cœlestibus corporibus reguntur. Hæc Galenus. An verò prorsus ea fuerit mens Philosophi, quam hîc recitat Galenus, non contendo.

Illud certè affirmare non dubitarim, quod Cicero rerum ordinem, & cōstantiam suspiciens, hæc fieri inter se mundi partibus continentibus non posse, ni ea vno continuoque spiritu continerentur. Facebant igitur, qui Hippocrati absurdas opiniones adscribere maluerunt, quàm veritati subscribere; facebant, & posthac Apollinis Oraculum consulant, ut moniti meliora sequantur.

Iuppiter est, quodcunque vides quocunque moueris.

Vñ

*Quò fugis Encelade? Ad quas cunque accefferis oras
Sub Ioue semper eris.*

*Quòd Humana Anima cœlitus infundatur
In corpus.*

C A P V T III.



Antea est non modò inter Philosophos, verùm & inter Christianos de humanæ Animæ origine dissensio, ut quicquam decernere non opis esset nostræ, ni iamdiu veritatem ipsam præmonstrassent Cor-

C cilia

cilia sacra. Nam, vt mittam Auenrhois futilitatem, quæ Intelligentem Animam, in omnibus vnā, & ab omni æternitate existentem statuit, neque Pythagoræ, neque Platonis fabellæ vnquam mihi sunt probatæ, qui certum animarum numerum ante corpora existentium, earundemque in alia, atque alia corpora migrationem posuere.

Carpocra-
tes, Gno-
stici, Ma-
nichæi.
Manilius
Ouidius.
Hermias.
Seleucus.
Galatæ.
Orige-
nes.

Inter Christianos verò eorum maximè improbanda opinio, qui intelligentem animam ex Dei substantia esse contenderunt, inter quos & Ciceronem censere licet.

An dubium est habitare Deum sub pectore nostro?

Est Deus in nobis agitante calemus illo.

Neque illi sunt admittendi, qui humanas animas ab Angelis factas esse putarunt, quod credidit & Auic.

Præterea humanas omnes animas vnā cum cæteris beatissimis mentibus creatas fuisse, præter veritatem est, & Peripateticæ Philosophiæ dogmata, quæ docent, formas id non anteire, cuius sunt.

At Tertullianus, & Apollinaris ex traducē Animant procedere existimant, quibus applaudunt quorquot singulis mundi partibus à prima origine ab Opifice inditas esse vires, & veluti digito Dei in re quaque insculptas, secundum quas omnia naturæ suæ conuenienter agūt, mordicus tuentur. Naturam qui sequitur ducem, non errat, inquit, quia character est Dei, impressum diuinitatis vestigium.

Sed heus ò boni siccine feriantem Deum fingitis, & mundi cura vindicatis? Siccine vel inuiti Astrorum inutiles motus conceditis? Sed quorsum vitalis ille calor vectore spiritu tot stirpium, & animalculorum opifex huc cœlitus influit? Si potestas illa primis parentibus insita fatis sit; Si primo Leoni vis procreandi simile successione in subolem propagata per se sola generat Leonē, cur Sol, & Leo generant Leonem? At Solis circumactu excitatus calor continenter ex quatuor elementis veluti ex communi materia vel ipso sensuum testimonio mixta progignit

mini-

19
minimè mixtus (neque enim cœlestia, elementaribus misceri possunt, cum sint asymbleta, differantque physico genere), Apage ergo tam vesanum commentum vel Philosopho, nedum Christicola indignum.

Diuinum hunc calorem tanti fecit Hipp. præcipuum naturæ machinamentum, vt animam nonnunquam ausus sit appellare, quam propterea vsque ad mortem produci tradidit, quod omne calidum moderato frigido iugiter opus habeat, quo veluti enutriatur. Neque defuerunt apud antiquos, qui ignem nutritionis, & accretionis causam dixere, quos redarguens Arist. animam præcipuam causam, ignem concausam appellauit. Cæterum scire licet Hippocrati fuisse in more positum, instrumentariam causam non raro pro efficiente primario usurpare. Cum enim in medendo ad id primò sit respiciendum, à quo perfecta editur actio, id autem sit animati organi recta constitutio, quæ potissimum in certa calidi innati mensura consistit, factum est hinc, vt senex, calorem vnicum animæ ministrum pro anima usurparit, quum medico in sensibilibus causis sit permanendum. Hinc libro de carnibus calorem hunc immortalem facit, omnia sentire, audire, intelligere. Enim verò si aliqua lædatur actio, non licet animam causari, sed in intemperiem, aut caloris imbecillitatem causa reiicienda est. Proin Galenus, parum refert, inquit, medico inter medendum nosse, quæ, aut qualis sit animæ substantia.

Ne quis tamen posthac nostrum Senem arguat, quòd animam nescierit esse materia multò præstatiorem formam, substantialemque actum munerum nobilium Authorem, quæ sanè accidentium nullum primò obeat, audiat, quæ alibi ab ipso Hipp. ex Calui interpretatione scribuntur.

De cœlestibus autem rebus, & sublimibus mihi nunc scribendum videtur, nisi quatenus homines, cæteraque animalia, quæ in terris degunt, & gi-

Lib. 6. Epid.

Lib. 2. de Anima.

Lib. de Principijs.

gnuntur, natae sunt, principium, & originem in de habere demonstrabo, quoddamque anima de Caelo est, quoddamque dolere languere, & quidquid boni aut mali in homine est, de caelo proficiscitur, &c.

Quam igitur in nos mentem extrinsecus aduenire dixit Arist. de Caelo expressius derivat Hipp. teste Fernelio, non quod prius extiterit Platoniorum more alicui accōmodata syderi, sed quod eius Author caelestis sit, qui eo momento in corpus apte dispositum, organisque instructum infundit, quo eam creat.

Ignens est ollis vigor, & caelestis origo.

Atqui nulla Intelligentia creata potest aliquid de nihilo producere, quia vis desideratur infinita, solus autem Deus inexhaustas possidet vires, quare singulas animas à Deo emanare existimasse Hipp. consentaneum est.

*Li. de occultis re-
rum opo-
ribus.*

Formae, inquit D. Th., rerū tamquam in altiora principia in corporum caelestium virtutes referuntur, & adhuc altius in Substantias Separatas, ex talibus enim principiis derivantur formae inferiorum corporum excepta sola rationali anima, quae ita ab immateriali causa procedit, nempe à Deo, ut nullo modo fiat à virtute corporum caelestium, alioquin functionem colere non posset à corpore prorsus absolutam.

Quod spectat ad Arist. ea de re nihil testatum; prorsusque promptum habemus, eius tamen mens è tribus potissimum locis elicitur: E Metaphys. scilicet libro 12. ubi probat nullam formam conjuncto priorem esse, ne intelligentem quidem animam. E lib. primo de Anima, quo loco asserit, Intellectum nobis innasci, substantiam quandam existentem, & non corrumpi: Innasci. 1. in nobis nasci, & denuo produci. Denique e lib. de Animal. ortu, ubi Philosophus confessus est, mentem extrinsecus accedere, eamque solam diuinam esse, quod cum eius actione nihil commune habeat actio corporea.

Tex. 17.

Tex. 65.

Cap. 3.

Sed

Sed eò reuertamur, vnde digressa est oratio. Hippocrates cum bona tum mala hominibus de cœlo proficisci aperte prodidit, id quod ab Aristotele, vt cœtera ferè *Lib. 1. de ortu.* cuncta, suscipitur, proficitur enim propter obliqui circuli reciprocationē hæc inferiora nasci, atque denasci, quod vel sensus testimonio probamus, dum enim Sol ingressus Arietem ad nos redit,

Prata virore nouo rident, iniussaue crescunt

Gramina, & arborei fetus, vigor omnia firmat.

Ingressus autem Libram, dum abscedit

Quæque effæta rigent, viduantur frondibus orni.

Squallida pallentes repetunt animalcula cryptas.

Hinc tempus omne, hinc vita omnis durationis sumit initia, omnium enim sublunarium ordo ex superiorum ordine pendet, omnisque vita certa definitur periodo. Propterea primo Meteworū optabat Philosophus, vt mundus hic inferior supernis lationibus esset contiguus, vt inde melius regeretur.

Constans igitur sit, & ratū vniuersam hanc inferiorē naturam à Cœlo gubernari, vt singula nil possint, ni Cœli virtute promota vigeant: Hanc autem virtutem nobis *In Thæto.* largiuntur cœlestia corpora motu, & lumine intercedentē. Propterea scripsit Plato protinus Vniuersum ruiturum, si Sol momento consisteret, scitē enim ab Homero Sol cor mundi vocitatur, nam quemadmodum in nobis si cor momento pondere suo fidat, nec moueatur, necessum est interire hominem, ita in Megacosmo vsu veniat, oportet, cum vniuersa vim, vitalemque fecunditatem à Sole mutuentur vt est melioris causæ instrumentum.

Verū ad pensum redeamus. Hipp. ad priorem sententiam alludens lib. 1. de Dieta scripsit, Animam in hominem irrepere ignis, & aquæ temperamento habentem humani corporis partem: quod vt clariùs euadat, sciendum ex Platonis Capricornum, & Cancrum à Physicis dici Solis portas, quia in vtraque obuiante Solstitio, vltimū

terius Solis inhibetur accessus, per has item portas animas de Coelo meare in terras, rursus de terris coelestia repetere, proin hominum vnam dici, alteram Deorum: Hominibus dici Cancrum, quia per hunc fiat ad ima defluxus: Dijs verò Capricornum, quia illac postliminio celestibus animæ restituantur sedibus. Ex quo inter Pythagoræ placita censetur & illud à lacteo circulo initia sumere Ditis imperium, quia inde delabuntur animæ in mortalitatis naturam. Zodiacum verò lacteus circulus duobus interfecat locis, quæ Cancer, quæque Capricornus est, propterea & primam nascentibus lactis offerri alimoniam. Caterum quod ex intimo doctrinæ penu Author eruit Macrobius, acri dignum est perpensione, quippe Plutonis, quod aiunt, galea opertum quadantenus ab impolterioribus, opinor, minùs percipi valet. Quare falli nemo ita debet, vt ascensum, & descensum hic accipiat secundum situm, sed quia Luna Cancrì domina generationi proxima est, Saturnus verò Capricorni dominus remotissimus, ideo per Cancrum, i. per lunarem, vegetalemque instinctum descendere animas dicunt; per Capricornum verò. i. per Saturnum, intellectualemque instinctum ascendere, Saturnum enim prisci mentem vocarunt, qua sola petuntur superiora.

Hinc patet sapienter, si quid aliud, ab Hippocrate dictum, animam in hominem repere ignis, & aquæ temperamento, quia generatio, & humana vita vt calido, humidoque sustentatur, ita ab eodem initia ducit. Hoc innatum calidum tertium est Platoniorum vehiculum, per quod animæ corporibus iunguntur, calor enim animæ cum corpore nexus rite perhibetur. Propterea Zeno naturam vocauit ignem artificiosum ad gignendum progredientem. Sed hætenus.

Nos Patrum decretis sancitam coquimus sententiam humanam animam à Deo creari. At Hipp. sola nature bonitate tam sapuit altè, vt Christianam veritatem per-
uadere

uadere potuerit, & nobis catholicum dogma relinquere.

Pudeat Christianos Asclepiadas, qui nodum in scir- *Iacobus,*
po quærunt, & intelligendo nã faciunt, vt nihil intelli- *et Grego-*
gant. Pudeat, & ab Ethnico se doceri patiantur. Afferunt *rius Hor-*
ij humanã animam nec per generationem simplicem fie- *sius lib.*
ri, quòd perniciiei, & interneçioni esset obnoxia, nec per *2. de Na-*
creationem occipere, quòd homo non produceret homi- *tur.*
nem, quum corpus sit ignobilior hominis pars. Malunt
ab anima Matris diuina intercedente operatione (ita enim
loquuntur, quasi verò ab ipsa veritate coacti diuinum o-
pus confiteantur) instar surculi ex trunco traduci in em-
brij corpusculum modo inconspicuo vectore vitali spiri-
tu, qui conformatis particulis à matris corde per pecu-
liarem ductum distribuitur, eoque modo deriuari, com-
municarique animam, quo spiritus ipse, quum seorsum
absque anima vitalis spiritus consistere non possit, est
enim eius indiuiduus comes. Assumptum confirmant
morum exemplo, quibus filij matres referunt. Addunt,
foetum in vtero viuere ceu matris particulam, cui per ve-
nas, & arterias arctissimè copulatur, atque adeò communi
fruitur vita. Atqui cum anima peræquè sit in qualibet
parte tota, atque in toto, conficiunt, vt tota quoque præ-
sto sit infantulo. Hoc luminis argumento declarant, quod
vti vtilem materiam sibi admotam accendit, ita sibi so-
lidis ligamentis vinctum foetus corpusculum obanimat
Matris animula. Metuunt sibi, si aliter fiat, meticulosissi-
mi viri, ne Deus sit Author originalis culpæ, quæ animæ,
ceu proprio inhæret subiecto, quod vel dictu nefas est.

At si vrgeantur, quòd sceleris labes Protoplastorum qui-
dem animã primò foedauit, sed in societatem ruinæ corpus
quoque prolapsum fuit, à quo peccati fomes in singulos
proseminatur, propagaturque, nihil habent præterea, cui
innitantur, præterquam Diuo Augustino, cui durum, vio-
lentumque est visum hominum animas ex nihilo creari,
quum doceant sacræ litteræ, Deum creasse simul omnia,

septima die cessasse, quo conficitur, vt omnium hominum animæ in primi hominis anima sint concreatæ. Quæ fuit etiam Nemesis opinio, cui consentiunt quotquot animas dixerunt simul esse conditas, inque corpora illabi non à Deo infusas, sed sponte corporum desiderio illectas. At canenti palinodiam Augustino fidem adhibeamus. D. Hieronymus huic testimonio scitè illud opposuit Ioānis.

In Epi-
stola ad
Marcelli-
num.

Pater meus usque modo operatur, & ego operor. Quod verò adijciunt fore, vt homo hominem non gigneret, quū corpus sit ignobilior corporis pars, faciliè diluitur. Homo concursum facit, dum enim vim suam semini indit, quæ id concinnè præparatum, & ad formam recipiendam idoneum reddit, simul efficit, vt illi forma concilietur, & in subiectum ita præparatum incurrat, qui incursum, & cum subiecta materia formæ concentus quoniam est ipsius rei constitutio, est ortus; quisquis hanc effecit societatem, & connexum, is vtique procreationem fecit. Norit porro neque materiam, neque formam fieri, sed compositum, sphaera ærea sit, non æs, non sphaera.

Arist. in
Metaph.

Boetius.

*Tu caussis animas paribus, vitasque minores
Prouehis, & leuibus sublimes curribus aptas,
In cælum, terramque seris, quas lege benigna
Ad te conuersas reduci facis igne reuerti.*

Com. in
lib. 3. de
cōs. Phil.

D. Thomas hic annotat, Philosophiam ex nostrarum animarum creatione Dei commendare sapientiam.

Sed quæret hic solertior aliquis, quandonam affundi animam censeamus? Cui responsum volumus, affundi cōformato, instructoque organis corpore, siue femina quadraginta duobus diebus, siue mas triginta formetur, neque enim certò definiri posse tempus credo. Quare inscitè quidam scriptis mandarunt, posteaquam semen intra formandi corporis monetam locatum est, quod à toto viri corpore destuere cum Hippocr. Platonicique decernunt, traxitque secum à viri anima formatricem vim, eius potentia diebus ferè quinque & quadraginta sic affi-

i, vt sex primis diebus lac enadat folliculo genicuo circumiecto ex membrana tā tenui, qualis in ovo ab exteriori cluditur testa, quod à Physicis deprehensum est, nec tacuit in libro de Natura Pueri Hipp. Nouem sequentibus sanguis: Duodecim alijs caro: Decem & octo alijs figuratum euadit, & tunc anima creatur, & infunditur.

Verum tunc iudice talis fuerit procreationis modus. Comprehensi seminis spirituosæ, & efficaces particule se se in centrum colligunt, crassiores, lentioresque in superficie consistunt, quibus resiccatis fiunt membranæ; Partes igneas, & aereas collectus spiritus in substantiam suæ similem conuertit, vnde enascuntur enormita, h. e. impellentia, quorum ministerio vis formatrix ex seminis crassioris ministerio partes spermaticas, ex sanguine menstruo sanguineas efformat. spiritus iste genitor per totum semen commeat, atque peruadit, vt agat contagione. An verò maneat spiritus absoluto opere meliori formæ mancipatus, an dispareat, non est huius loci curiosius disquirere.

Hæc sanè est totius procreationis ratio nullis figmentis obruta. Falsum est enim, quod à Cælio asseritur, semen primò in lacteam naturā, facessere, deinde in sanguinem, postremò in carnem conuerti; ex foetifico enim lentore solæ spermaticæ partes, ceu prima totius operis lineamenta ducuntur, quibus subinde circumfusus sanguis paulatim in carneam cōcrescit naturam. lampridem enim Medicorum euident ratio Aristotelis opinione conuicit asserentis seminis corporaturam euanescere, nec generationis opus ingredi, quemadmodum nec coagulatum casei substantiam constituit, sed cogit modò, & format, cum materia, & efficiens nunquam coincidunt. Sed medici duplicem in semine substantiam agnoscunt, spiritalem, & lentorem, illi efficiendi vim concedunt, hanc in partium solidatum substantiam conuerti solidè contendunt.

Quod naturalia media non sine abdicanda

Egrotantibus.

CAP V T LIII.



Vox vs modis vniuersi opificem nobis consulere, atque providere, cōstans est, & in confesso apud Platonicos, vno rato, & immutabili, quem appellant Adrastiam, quod vtraque firmamenti reuolutione, lenta scilicet, a qua magnus annus Platoniorum procedit, altera verò celerrima, qua quotidie ab ortu ad occidentem secum diripit subditos orbes, mundo, mundanisque omnibus sortem distribuit suam. Adrastiam appellant fatum, & immutabilem Dei voluntatem, cuius ministra natura, a qua ordinarij procedunt euentus, est enim natura ordinis causa, imò ordo ipse in vniuerso. Caterum naturam hic appello vim genitricem, & conseruatricem per vniuersum diffusam, quæ procedit a primo illo motu, qui rebus omnibus est veluti vita quædam, quum hinc viuificus calor suscitetur rerum Author omnium. Ideoque Deus natura e communi mundo prospicere dicitur, quia cœlorum motu singulis vitæ, & durationis suæ periodum definit, illius ministerio perficit, conseruatque omnia. Hanc solam generalem providentiam Aristotelem agnouisse nonnulli crediderunt, per quam mundus consistit, & singulæ species perpetua successione singulorum seruantur. Iuppiter omnibus idem; quia vnicuique iuxta naturæ suæ meritum terribuit.

Esse lapis, sentire Leo, vegetare Cupressus,

Solus at ingenio vivere gaudet Homo.

At nos non possumus, qui in meliore schola sumus instituti, quin præter communem illam singularem quoque prouid.

perueniat, quæ ad singulos homines
 cuius effectus indefiniti, perobscurique videntur latente
 causa, propterea sapientiorum suspendunt iudicia, eos-
 que cogunt admirabile Dei consilium admirari simul &
 venerari. Huc spectant euentus omnes, quos Arist. ap-
 pellat præter opinionem, & inconstantes. Quis enim non
 admiretur ancipiti morbo implicitum nulla naturæ, nulla
 artis ope adiutum augescere morbo, & furentibus sym-
 tomatibus repente reualescere, ac si nullis laborasset lan-
 guoribus? Hæc me hercle non nisi perrarò, & secreto
 Dei consilio boni gratia contingunt, quæ ideo nos in ad-
 mirationem rapiunt, quòd præter naturæ ordinem, &
 causarum seriem eueniunt.

2. Phys.

Cuncta hac Superum demissa suprema

Statius.

Qui Mente fluunt.

Hæc de causa Hipp. in ordinarijs causis subsistendum
 esse docet, illuditque Scythis, qui protinus ad Deum re-
 currunt naturalia negligentes.

Lib. de
 Aere, lo-
 cis, &
 Aquis.

Plurimi, inquit, in Scythia castrantur, mulie-
 briaque exercent, loquunturque muliebriter, qui
 enirati dicuntur. Causam verò huius rei incolæ
 Deo tribuunt, hosque homines colunt sibi cauē-
 tes, ne talia patiantur, sibi que eueniant. Mihi ve-
 rò hæc, & talia mala omnia diuina esse videntur,
 nec vllum esse diuinum magis, aut humanum quàm
 aliud, sed omnia peræquè diuina, nam horum
 vnum quodque suam habet naturam, nec quic-
 quam sine natura gignitur, &c.

Cur verò plurimi sterilescent, Hipp. causam rejicit nō
 in Deum, sed in vitæ desidiam, iugem equitationem, cra-
 pulam, ischiadicis dolores, quibus erant obnoxij, quòd
 equitarent sine stapedibus. (Hinc quia fuit Aristor. cur
 ischiadici sint steriles) denique rejicit in largam sanguinis

4. Sect.
 Probl.
 20.

missionem caesa pone aures versa, & in ignauissimum somni torporem. Si a Deo hæc mala proficiscantur, inquit, cur non peræque omnibus accidunt? Cur potentissimis, potius, generosissimisque Scytharum, qui Deos colunt, sacrificia faciunt, quam paupericulis, & ex infima plebecula homuncionibus, qui Deos temunt, blasphemique execrantur, hæc incommoda eueniant? Nec Dij, inquit, sunt incusandi, nec naturalia abdicanda præsidia. Hortatur igitur, ut crapulas, & inertiam declinent, ut frugalem vitam, & labores strenue meant, sic enim futuram, ut prolem, & quidem masculam suscipiant, & morbis defungantur. At verò libello de Virginitate morbis sacrificulos arguit, quod credulas mulierculas deciperent iubentes, quam mox donaria Dianæ offerri, ut morbis expedirentur: Arguit iuro maximo, quasi verò Dij optimi naturalia media non instituerint, per quæ efficaces esse volunt. Hinc senex ipse mandat, ut misera Virguncula, quæ ab utero ut plurimum ægrotant, aut sibi sanguinem mittere patiantur, aut certe virum experiantur, Maritus enim non enervis muliebrium malorum non infrequenter esse solet curatio suauissima. Caterùm vniuersa naturæ opera Hipp. vocat diuina, quod Deus cum quouis naturali Agente cooperatur proxime (Philosophi dicunt virtutis, & suppositi immediatione) quod sanè ex eo facile probatur, quoniam diuina virtus non est aliunde mutuata, quin potius omnis creatæ rei virtus à Deo effluxit, adeò ut creaturæ, sit quoque Dei virtus. Dein, quod nihil intercedit inter Deum, & creatæ rei effectum, cum Deus similiter, atque Ignis V.G. dum calorem producit, manui, dum calefcit, proximus sit. Verumtamen causæ primæ actio ab actione causæ secundæ ad certam speciem deducitur, atque definitur, quia cum prima causa indiscriminatim quemcumque edere possit effectum, utpotè hominem, aut equum, hominem verò definite producit, quod hominis congressu concursus eius distinguitur, atque definitur. *Distincta tamen causæ secundæ*

Secundæ quoad gradum a Deo a Deo coercetur, & limitatur, etenim, exempli loco, Ignis ad certam numero calfactionem non est affectus, præ finitæ sue, quin plures potius est elicere, quum natura ad singulare non collinet, vt docet Auic. Quare vt hanc definitæ calfactionem edat, aliunde limitari, determinarique debet, argui in secundatum causarum sphaera nihil est, a quo terminari queat; quare ad primam causam confugiendum est, quæ virtutis suæ efficacitate eam definiat, cuius certè est ordinaria, & statuta lege hunc quasi defectum supplere, neque. n. cœlestis influxus, cæteræque causæ effectrices hoc præstare valent.

87433

Nypbus
in Phys.

Sed quispiam ex Peripatetico Lyceo nobis obijciat. Actiones esse singularium, Intelligentias esse causas vniuersales, neque causas esse, quod ab illis nouum quippiam proficisceretur, quod est absolum. Denique particulares causas sufficere, nec necessarias idè esse vniuersales. Verumtamen is sic obuiam ire volumus. Ad actionem aliquid bipartito dicitur concurrere, nempe vt agendi rationem, & vt illud quod agit, vniuersales causæ confluunt in effecta vt rationes agendi, minus vt agentes. Et sapè Aristotelei ab vniuersali causa nullam actionem obiri arbitrantur, nisi singularis, & determinatæ causæ congressu definiatur. Sunt, qui asserant, causam vniuersalem, & particularem ad eundem effectum conuenire secundum diuersos gradus, vt homo hic ad hominem hunc, at vniuersalis causa ad hominem vt ens, siquidem effectus vniuersalis in causam vniuersalem referendus. Vniuersalis igitur causa concurret ad plures effectus, & ad eundem secundum vniuersalem rationem, sicque concedit, Deum concurrere ad huius hominis productionem secundum gradum Entis, quoniam vniuersalis causa non concurret ad effectum secundum omnem gradum, sed secundum vniuersalem rationem, particularis verò concurret secundum gradum particularem. Sunt, qui secius sentiant asserentes, particularem causam, & vniuersalem, scilicet Deum

Greg
arin

30
ad eundem effectum confluere secundum eandem rationem, & gradum, sed non secundum eundem ordinem, quoniam altera ut particularis, altera ut vniuersalis conuenit, neque interim altera superuacua est, quum ambæ non conueniant eodem ordine, & ratione.

Eccl. 38. Quidquid sit tandem, Deum in omnem effectum confluere constat est, & ratum, hinc etiam à Deo omnem medelam emanare, dicitur, atque eius instrumentum esse naturam, vtriusque Ministrum Medicum. Quæ media instituit Deus, ut in illis efficax esse videatur, propterea Sacrae paginae in infirmitate adhibendum esse Medicum sedulo iubet.

Ne credat tamen aliquis, Deum naturalibus medijs ita esse alligatum, ut sine illis nihil queat efficere, quod putarunt Stoici, cum idem supra, & contra naturam efficaciter agere possit. Sic Moles xl. dies absque alimento diuinitus vixit, & quinque panibus, totidemque piscibus Christo theantropo distribuyente tot hominum milia expleta recessere. Posthac tamen non nisi temere quilibet hanc mirabilem, ominosamque custodiam expectari, quin in officio se contineat, & manum cum Minerva, quod aiunt, moueat; Scriptum est enim, in sudore vultus tui vesceris pane tuo.

Quare si quis morboſo corporis languore corripitur præ naturæ imbecillitate, Dei in primis opem imploret, cumque ardentibus invocet votis, ut remedijs opportunis, & congruentibus intercedente diuina benedictione excupitum largiatur euentum. Ut enim sanitas benediciente Domino quotidiano cibo seruetur, ita præſaliorum beneficio laborantibus, & morbo oppressis succurritur.

Non absimile symbolum in æternæ salutis mysterio est cernere, vbi Deus Opt. Max. mandat, ut Christi verbis auscultemus, & instituta adhibeamus Sacramenta, quibus in nobis efficaciam suam pollicetur, vbi non creperâ, sed firmâ fide seruatoris Iehouah meritum comprehendimus, nobisque corrogamus.

Suam

Suam itaque Omnipotentiam Deus tentari minime
 patiens ad media, naturalesque causas nos ablegat, qui-
 bus dextre nos uti iubet cum ad sanitatem seruandam,
 tum ad profligandos morbos. *Medys, que vocant, inquit
 Oleeas, legitimis viuentis adiunat Deus.*

Merito igitur Hipp. vecordes infimulat Scythas, quod
 medijs despiciatis naturalibus ad Numen recurrant, illud-
 que caussentur, siue agnoscenda sit morbi causa, siue
 morbus curandus sit. In natura, ait scitissime, nihil
 sine natura, nempe sine naturali causa gignitur. Vnde
 etiam ad Democritum scribens inuicitur in impostores.

Artis Medicæ recta facta o Democrite, inquit,
 plerique è vulgo hominum non omnino laudant,
 verum Dijs sæpè attribuunt, si verò natura relu-
 ctata perdiderit eum, qui curatur, medicos repre-
 hendunt Numen prætereuntes, &c.

*Quod in Profligandis morbis diuinum Auxilium
 sit inuocandum.*

C A P V T V.

PICVRVS, ut seruaret hominis liberta-
 tem negavit Dei prudentia mundum gu-
 bernari, sed quam iniquè, palam est, Deus
 enim non tantum communi, sed etiam
 singulari providentia mundo, munda-
 nisque omnibus prospicit, curat non tan-
 tum ut sint, sed & bene sint omnia, cognoscit indiuidua
 non tantum lu- ratione speciei, sed etiam secundum indi-
 uiduas proprie ates. Cum enim ea fecerit, possint illi es-
 se ignota? Cum abiectissimus Artifex opus suum cognos-
 cat, est ne verisimile, Deum ignorare, quid agat? Nec re-
 fert,

fert, si singula sint infinita, & caduca, quia sub ratione finita cognoscit. Deus esset Animal miserrimum, ait Sophus, ni singula cognosceret: Nec est, quod obijciat Auenrhois, fore, ut vilesceret, si hæc nosset inferiora. Non est, inquam, nam cognitio omnis perficit, atque illud de voluntate potius, quam de intellectu diceretur, siquidem voluntate ad optata trahimur, illisque similes euadimus, at intellecta in intelligentem transferuntur, & ei similia redduntur. Ita que si vllum sit argumentum, Deum consieret non cognoscere ex rebus ipsis accipiendo mortalium more cognitionem, sed seipsum intelligendo omnia eminenter continentem. Illud tamen alta mente tenendum, res singulas a Deo quidem cognosci, at per essentiam suam efficientem, aut conseruantem, adiecto scilicet diuinæ voluntatis actu. Quoniam enim res singulæ præter essentiam obtinent existentiam, qua singulares euadunt, & extra causam subsistunt, si cognitæ essentiæ accedat voluntatis actus, quo Deus producere, aut conseruare decernat, cognoscuntur ex exemplo singularia omnia, quæ sub illa continentur essentia: Ad singularia namque productio illa terminatur.

Primum igitur essentiarum plurium plures Idæ coniunguntur tum substantiæ, tum accidentium, quæ simul in rebus singulis continentur, tum accedente illa voluntatis determinatione singula cognoscuntur.

Hæc autem tam multa in vnum effudimus Themistium, ne coniuuentibus hominis auctoritas imponeret, quum maxime ei Philoponus applaudat, qui mala a Deo non cognosci, arbitrati sunt, eo planè argumento, quoniam, si cognosceret ea, etiam faceret, quod enim nouit, id efficit, siquidem, ut intelliguntur res a Deo, ita sunt. Quasi verò innumerabilia possibilia non cognoscat, quæ efficiet nunquam. Cognitio quippe ad intellectum spectat, effectio ad voluntatem. Sed nos nimis longum fecimus, qui ad probandam singularem Dei prouidentiam Peripateticorum Principis patrocinio uti poteramus; sic enim Arist.

At verò, inquit, qui mente operatur, & eam colit, disponitur optimè, is & amantissimus Dijs immortalibus est, nam si Dij curam rerum humanarum, ut existimatur, aliquam habent, rationi sanè consentaneum fuerit, ipsos eo gaudere, quod est optimum, sibi que maximè cognatum, hoc autem fuerit ipsa mens, & in eos, qui maximè hoc amant, & honorant, beneficia vicissim conferre, tamquam curam ijs, quæ sibi sunt chara, & diligentiam adhibentes, & rectè, benèque agentes. At constat hæc omnia sapienti inesse maximè, amicissimus igitur sapiens Dijs immortalibus est, eundem autem conueniens est, & foelicissimum esse, &c.

Ex quo loco D. Th. Deum rerum humanarum peculiarem curam gerere demonstrat. Id quod etiam certa colligi potest apodixi ex Peripatetica Schola decerpta: Siquidem omne agens certo fine dirigitur, tantumque in finem itio, atque directio, quantum agētis efficientia se collatat, explicatque. At Dei efficientia ad vniuersam rerum naturam pertinet, quare & vnumquodque à Deo in finem suum dirigitur. Hæcque expressa est, & peculiaris prouidentie ratio, quam egregiè nobis facerrimus ille Iacob per Scalam è terra in Cælum vsque assurgentem significauit, ad quam David etiam respexit. *Quis sicut Dominus Deus noster, qui in altis habitat, & humilia respicit in Cælo, & in terra.* Quin & Homerus huc collineasse videtur, quando à Ioue auream catenam è Cælo in terram demitti omnia comprehendentem, vincientemque, necnon ad Iouem ipsum retrahentem, scriptis tradidit.

Porro varij gradus Scalæ multiplices, & multiformes rationes, & modos significant, quibus res à se cōditas Deus regit pro varietate. i. rerū ipsarū. Quippe rationis expertia per formas, & qualitates ab origine illis insitas, atque per naturales propensiones, & brutos, irracionalesque quosdam instinctus, qui tamen rationis, & prudentie instar illis sunt, Deus gubernat, & ad suum quæque finem dirigit.

E

At

Psalmo
11.
Iliad. 9.

At verò hominem proprio arbitrio vtemem non vno modo, sed multifariam gubernat, & moderatur. Hunc poenæ formidine, illum præmiorum spe ad frugem reuocat, illum per cruciatus, & calamitates ad cōmoda deducit, hunc ē felici deijcit statu, & in pauperiem deprimit, quo vexatio det intellectum. Adhæc per hortatus, per monita, per exempla allicit, incitat, attrahit.

Cæterum si omnia sunt Dei sapientissimi, potentissimi, atque optimi subiecta prouidentia, vnde tot in rebus vitia, defectus, flagitia cum in humanis, tum in naturalibus?

Lib. 4.
de Conf.
Phil.

Moc vel maxime, inquit Boetius, est admirationis, & querimoniae causa, quod cum rerum omnium bonus rector existat, vel esse omnino mala possint, vel impunita prætereant. Etenim imperant, florenteque nequitia virtus non solum præmijs caret, verum etiam sceleratorum pedibus subiecta calcatur, & in locum facinorum supplicia luit.

Quæ fieri in Regno scientis omnia, potentis omnia, sed bonæ tantummodo volentis Dei nemo satis potest nec admirari, nec conqueri. Verum hanc obiectiunculam præclare diluit D. Th.

P. P. Q.
22. art.
11.

Corruptiones, inquit, & defectus, qui sunt in rebus, dicuntur esse contra naturam particularem, sunt tamen secundum intentionem naturæ vniuersalis, quæ scilicet tenus defectus vnius cedit in bonum alterius, vel etiam totius vniuersi, siquidem corruptio vnius est generatio alterius, per quam species conseruantur. Cum igitur Deus sit vniuersalis prouisor totius naturæ, ad ipsius prouidentiam spectat, vt permittat quosdam defectus esse in quibusdam, ne vniuersum absolutum bonum præpediatur, si enim omnia mala impedirentur, plurima desiderarentur bona, neque enim esset vita Leonis, ni rabido dente laniata aliqua animalia cæsa fuissent, nec esset Martyrum patientia, ni Tyrannica, & immanis persecutio præf-

In En-
chir. c.
11.

set. Hinc D. Aug. Deus omnipotens nullo modo sineret, ait, aliquid malum esse in operibus suis, nisi vsque adeo esset omnipotens, & bonus, vt bene faceret etiam de malo.

Pro-

Propterea Hoetius; sola est, inquit, diuina vis, cui mala quoque bona sint, cum eis conuenienter vtendo alicuius boni effectum elicit. Ordo enim quidam cuncta completur, vt quod ab assignata ordinis ratione discesserit, hoc idem, licet in alium, tamen in ordinem relabatur, ne qui in regno prouidentiae liceat temeritati.

Galenus de decreto Hipp. & Plat. c. 7. Non enim inquit, quemadmodum quaestio illa Mūdo factus ne, eā minimē sit, inutilis est, ita quoque de prouidentia Dei indagare non confert, sed vtilis omnibus est, vt vim quādam esse in mūdo hominibus & potentia, & sapientia meliorem cognoscamus, &c. Quidquid sit tādem, Hippocrates noster satis diuinam prouidentiam in confesso habuit, qui suadet, vt preces Dijs effundamus, & diuinam imploremus opem.

*Lib. de
Inforti-
nijs.*

Ita enim senex. Cum quid purum de Deo puro quis capere videtur, quoad sanitatem optimū est, nam significat, quæ corpus intrant, pura esse. Si quid autem contra, non bonum est, morbum enim in corpus venisse significat. Paulo autem post infert. De signis autem cœlestibus syderibusque, cum quis gnarus, peritusque fuerit, sic prouideto, nutritatoque, Dijsque supplicato, cum bona videris, Soli Ioui cœlesti, &c. cum verò contra Dijs hæc auertentibus.

Hinc quoque lib. de Muliebri natura præcipit, vt in tractandis mulierum morbis ab ipso Numine auspiciū ducamus. Caterum libello de Elegantiā tam pie de Deo loquitur, vt nullus Theologorum in hac re Hippocrati sit præferendus.

Scientia, inquit, de Dijs Medici animo penitissimè implexa est, cum in alijs affectibus, & symptomatis medicina erga Deos valde reuerenter se habere comperitur, tum verò Medici Dijs locum

dant, Numen enim omnia regens in medicina minime ociosum esse animaduertunt, & in ijs morbis, quos ipsimet aggrediuntur, & in ijs, quos per se absque sua opera superari vident. Quot quot enim medicina vincit, Deorum ope vincit, nam & Medicinæ via secundum sapientiam Deorum munus est, & remediorum efficacia ab iisdem pender.

Numina ni faueant, nil Panacea potest.

Lib. de
Veteri
Medici-
na.
Epist. ad
Abder.
Cōm. in
lib. Hipp.
de iussu
pñs.

Mitto volens, quæ in hanc rem alibi, ab Hipp. scribuntur. Ecce ut non minus piè, quàm verè, christianæque religioni congruenter medicinam esse donum Deorum, omnemque vim; & efficaciam ab eisdem pharmaca suscipere, luculenter optimus senex profitetur.

Quid mirum igitur, si Zimarellus, testante Ioanne Colle, Hippocratem Naturæ, & Christianæ Theologiæ genium appellabat?

Huius pium sanctumque institutum secuti sunt Arabes; Quare Mesuæus Regis Dāmasceni nepos suos ita exorditur Canones. *In nomine Dei Misericordis, cuius numen sermo recipit gratiam.*

Affectuum verò curationē his aggreditur præfatis. *Sanas languores Deus, qui de frugalitatis folio produxit in largitate sua medicinam benedictus, gloriosus, & excelsus.*

Quis hanc in Deum pietatem, & cultum non admiretur? Quis non æmuletur veritatis lumine excitatus? Deo igitur supplices preces feramus; scriptum est enim. *In tua infirmitate ne despicias te ipsum, sed ora Dominum, & ipse curabit te &c.* Nec magnum quicquam aggrediamur non inuocato Numine, Sapienter enim Heraclytus sacrificia, & preces medicamenta appellare solebat, quod præpotentis pharmaci vice à morbis purgent.

Sed hic se ingerit quæstio Theologumena, an scilicet res diuinas obeuntibus nobis Deo contingat affectio?

Por-

Porphirius suspicabatur, non modò Dæmones, sed etiam Deum affici, quoniam inuocationibus moueantur.

Vista Hominum precibus celesti a Numina terras

Coguntur petere, & casus aperire futuros.

Iamblichus arbitratur, Deos, non quia inuocentur, moueri ad communicanda hominibus bona, sed sponte nos ad bonum prouocare, nobisque inuocando conuersis accurrere vtrò quippiam monstrantes, largientesue. Supplicationes porrò animam diuino aptam influxui reddere, qui tum vtrò, tum facillè perueniat propter diuinam amicitiam omnia continentem. Quod si à benefica Deorum cura, ceu à clarissimo Solis lumine abeamus longiùs, densioribus nos statim tenebris circumfundit, tuncque iratior nobis dicitur Deus, quem tunc demum credimus remolli-
re, si suppliciter ad eundem conuertamur: Lenimentum id genus affectionem Deo infert nullam, ait Cælius, immò à perturbationibus sequestrat animam.

Porrò Platonici mundanis Dijs sacra obeunt corporea; superioribus Dijs segregatam putant dicendam esse sanctimoniam. Principi verò segregatissimam.

Verùm age quando in hæc incidimus, cur supplicationes quædã exaudiuntur quædam obturatis despectantur auribus? Respondeat doctus iuxtà, ac pius Auicennas. Causa, inquit, propter quam exaudiuntur preces, est cõuenientia, seu aggregatio caussarum simul cum Sapientia Diuina, & est, quòd conueniant, siue aggregentur hominis deprecantis causa? Verbi gratia in eo, quod ipse deprecatur, est causa, cur res illa sit ex Creatore. Quod si quispiam dicat, vtrum fieri possit, vt citra Litanias illud euadat. Vtique inficiabimur, quoniam euentus vnica est causa, nempe altissimus opifex, qui interpositas preces seu proximas, & peculiare causas disponit, quemadmodum sanitatis alicuius laborantis pharmaci haustus causa perhibetur, quum verò medicamentum respuit, sanitatem quoque negligit.

*Lib. de
Anima
Aph. 45*

Pari modo preces ad vota obtinenda veluti accommodata media desiderantur. Quamobrem duabus de causis, quæ simul conueniunt, rogatus necessarij videntur, atque adeo ipsarum exauditio. Enimverò si ad supplicandum promouemur, à Deo est, propterea deprecatio, cur exaudiamur, causa est. Cur verò in congruum, & decens adspiret supplicatio, vnde optata cadunt ex voto, ab eodem repetendum, quare ambo ab vna producuntur origine. Nonnunquam verò alterius causa est altera. Propterea, quidam à terrenis coelestia affici, in animum induxerunt, quare preces nostræ necessario exaudiuntur. Nos ijs sic iri obuiam volumus; Naturalia nimirum hæc coelestium, & diuinorum effectus quosdam esse, qui, ni peruertatur ordo, in suas causas nullatenus queunt efficere, hinc etiam ad orandum excitamur. Cur verò preces non exaudiantur, ea potissimum est causa, quod finis, cuius gratiâ obsecrat, vel non conducit iuxta Vniuersi ordinem, vel ratione deprecantis. At verò viris sanctimonia delibutis inter precandum Prima causa vim infundit per quam mirum in modum aliena mouent, quare & elementa eorum voluntati confestim parent, quum maxime elem. subiecta sint animæ energix, nosque ipsi non semel fecimus periculum. Vbi enim res vehementiùs imaginari contingit, quã mox corpora nostra alliosim, & affectionem subeunt pro animi varia dispositione. Ad hæc neque absonum, aut à veritate abhorrens est, quempiam imaginationis vi alienum ciere, & percellere posse corpus, id quod Indiæ inquilini sæpius experiuntur. Itaque Deus omnium conditor exaudit deprecantem animam, si finis, ad quem preces diriguntur, in vniuersi ordinem, & utilitatem relabatur.

Hæc est ipsissima Auicennæ sententia, qua duo potissimum constituuntur veluti cardines, super quibus impetrati voti ratio conuertitur; diuina scilicet afflatio, qua ad rogatus, & obtestationes excitamur, iusta denique, & honesta singulis, aut vniuersæ naturæ conducens inter implorandam,

39
randum petitio. Et hæc est congressio, coitioque caussa-
rum, quæ diuinam mouent sapientiam ad efficiendam,
quod efflagitur precibus, quibus planè nulla afficiuntur
passione Numina, sed tantum in illis veluti symbolis vo-
lunt esse efficacia. Vt autem preces omnibus sint abso-
luta numeris, quinque stipari oportet prærogatiuis: Se-
curæ enim, rectæ, ordinatæ, deuotæ, humilesque esse debet.
Sed quando hæc altioris sunt operis, mittimus, & ad Auic.
reuertimur, cuius comendamus sententiam, Deum Sanctis
viris præsto esse, virtutemque communicare, per quam ele-
menta, & quidquid ex elementis est concretum, illis au-
diunt, & protinus obtemperant. Mirabilis est enim Deus
in Sanctis suis. Verum quod de Imaginatione subiicitur,
est falsissimum, imaginatio namque immanens actus est,
nec quæquam in nostro corpore obire potis est, nisi alte-
rius causæ, quæ eius sublit imperio, intercessione, congres-
suque, multo minùs in alieno corpore.

*Precum
conditio-
nes ex D.
Thoma.*

Hinc non inelegans quidam perperam plurimos, eos-
que admirabiles euentus in imaginationem reijcit, vt pote
quæ reuera spiritus, & humores ciet morborum parentes.
Nam si rogetur, cur appositis amuletis cum susurro, aut
sesquipedalibus verbis effutitis quispiam morbo defunga-
tur? Respondet effectum esse ab imaginatione. Vbi nam-
que certa spes salutis concipitur, calor, spiritusque quo
quo versum effusi ad functionum munera acriores, aptio-
resque redduntur. Sic epileptici, dum ex Alcæa vngula
concinnatum gestant annulum, quia Periaptis certò cre-
dunt, & maxime fidunt, non corripuntur, quòd confiden-
tiam spirituum quies, & tranquillitas excipiat: At submo-
to annulo, quia inuadit timor, turbatur spiritus, atque con-
sternantur, à quibus exciti humores cerebri obstruunt ven-
triculos, membranulasque vellicant, hinc sacer ingruit
morbus. Atque perinde illis accidit, ac qui demisso, hu-
milique loco angustam trabem recti perambulant, at si
paulò eminentiore loco ponatur, vnde periculum impen-
deat,

*Alex. de
Picentini.*

deat, ingressi quam mox præcipientes delabuntur, quod præ metu spiritus in fontes recurrunt, & lacertos deserunt. Quæ causa etiam somnambuli aui loca petunt, repetuntque, at expectati, si discrimen agnoscant, proni decidunt. Eodem modo & Quartanam fieri, & admoto Aranco propulsari credidit. Sed norit in primis affectus ex præmotione Phantasiæ, quæ vel læta, vel molesta obijciat, suboriri quidem, circa cor tamen sanguinis, spirituumque tumultuatiam fieri cōmotionem, quare cordis potius, quam cerebri affectus ex phantasiæ deliramentis emergere consentaneum foret. Nam etsi affectus vniuersum corpus moueant, in ipso enim corde aut caloris, aut frigoris, vt ait Arist. facta alteratio, etsi in exigua, & non sensili particula, plurimam sanè in toto corpore parit differentiam cum ruboribus, & palloribus, cum horroribus, & tremoribus, aliisque huiusmodi; vt timone paululum translatō magna fit præoræ transpositio: Nihilominus tanti non sunt, vt excitis spiritibus continenter aut morbos pariant, aut propellant (ni summus subsit apparatus.) Equidem multum conducere fidenciam scio, vnde Auic. dicebat, Medicum plures curare, cui plures fidunt, plurisque esse bonam, firmamque animi confisionem, quàm omnia Medicorum pharmaca. Propterea etiam Vallesius Medicos dehortatur, ne eorum curam suscipiant, à quibus non æstimarentur plurimi. Cuius rei causa iam adiiciunt quidam, quod confidens animus non percellitur, sed adquiescit, quocum spiritus etiam consistunt. Accedit, firmam erga Medicum fiduciam id agere, vt malorum obliuiscantur, & dolores conuerso in Medicum animo aut non sentiant, aut mitius ferant, necessariū enim animaduersione desideratur ad percipiendum dolorem. Vnde Hipp. Qui dolentes parte aliqua corporis omnino dolorem non sentiunt, ijs mens ægrotat. Scio inquam ea de causa plurimum prodesse fiduciam, sed eam esse, quæ comitalem morbum admota Præonia radice, aut annulo ex Alcæo vngue arceat, haud credo

*Pegia
tercenis
ialis.*

credo. Ecquis enim ea perniciē semel correptus fidenti, ratoque animo non sperat, fore, ut de integro non inuadat, cum interim credulis, & benē sperantibus medio de fonte leporum superueniat, & incessat? Cornelius Agryppa Magiæ Ceremonialis vnum principium statuit credulitatem firmam, qui non crediderit, inquit, non experietur, sed tam futilem sententiam iure Philosophi reiiciunt. Existimandum igitur cum tota elegantiorum Asclepiadarum Schola vngulam syluestris Aselli cum cerebro Epileptico habere schesim, & quandam analogam rationem, adeo ut annulo apportato per occultum esluuium ita roboretur cerebrum, ut non possit à quauis morbifica causa concuti. Araneolum verò frigidum, siccumque animal aut negarim ea vi pollere, aut certē non alia ratione, quā Scheticōs, & mutuo consensu. Et, ne me quis credulitatis arguat, qui omnia ad temperationem velit reducere, Alex. Aphrodisæum quærentem patienter audiat, cur quos Dipsas momorderit, sitique sunt intolerabili affecti, eis epota theriaca, quæ calida, siccaque est, sitim sedat, non autem magis incendit? Respondet non qualitatis ratione sitim sedare, sed mutuo quodam consensu, & ratione naturali. Id est huiusmodi Antidotum, quod plurimis ex herbis componitur; quæ consensum aliquem cum singulis corporis partibus habent, velut Dictamnium proprietatem quandam erga cor habet, ipsumque confirmat, & seruat, Eupatorium verò cum Iecore, Scolopendrium cum Liene, petroselinum cum ventris orificio, Hyssopus verò cum Septo, & pulmone, Helenium verò cum Renibus, Ruta cum collo, Gentiana cum cerebro, Seseli autem cum vesica urinaria. Vnumquodque igitur horum mellis dulcedine illectum trahit quod sibi proprium ad tutelam est. Inter quæ omnia sunt & viperarum immixtæ carnes, quæ naturalem quendam mutuum affe-

ctum habet, quam antipathiam vocant, aduersus quod vis venenosum animal, corruptibilemque virtutem. In singulas igitur partes distributa affectum illum, qui corruptionem minetur, agere non sinunt. Repugnant enim ceteri legitimi quidam milites, qui pro sua ipsorum patria arma ceperint. Haftenus Alex. qui tametsi sententiam meam confirmat, & causam elegantissimè exprimit, in eo tamen falli videtur, quod singula simplicia in Theriace permanere putarit integra, quum tamen post fermentationem corrumpantur, & ex corrupta singulorum specie quinta quaedam prodeat essentia virtute omnium vim continens. Nam quemadmodum in Mixtis corporibus virtutes subsunt, quæ in elementis desiderantur, ita in Theriace virtus ea inest, quæ in singulis non est inuenire. Propterea Auic. Theriacam non humano ingenio, sed potius diuina inspiratione concinnatam esse ratus est. Et vtinam multa non deessent, quorum causa suis priuatur viribus.

*D. Tho.
opus. uo
de ocul-
tis rerum
operibus.*

Sed ne parergon opus ipsum superet, receptui canamus, & adhibitis opportunè morbo remedijs ad implorandum diuinum auxilium fidenter accedamus, quia & efficaciam Deus pharmacis ingerit, & quia mirandum in modum ipse sanitatem conferre potest: Quidquid enim Deus vnà cum secunda causa potest efficere, se solo potest, in genere in quam efficientis causæ naturâ non de industria agentis. Argumento sit Paralyticus ille, qui iubente Christo Theantropo sustulit grabatum suum, & ambulauit. Similiter quod ad umbram Petri Apostoli sanarentur infirmi, vel Sancti alicuius attractis Reliquijs aliqua vrgeatur agritudo, non sit per formam aliquam his corporibus inditam, sed solum per diuinam energiam, quæ ad huiusmodi effectus his corporibus utitur.

Quòd quidam morbi diuinitùs immittuntur.

C A P V T . VI.



EVm olim infixisse morbos, Sacrae re-
stantur paginae, & argumentò est fla-
gitiosus ille Pharaò, qui Saræ captus
pulchritudine eius violare tentavit
pudicitiam, & adulterium committe-
re, vnde tentati sceleris in poenam
perpetua laboravit gonorrhœa, vxo-
resque cum Regis, tum Aulicorum vulvæ conclusionem
perpeſſæ sunt, vt deinceps parere non possent. Sed ac-
cedat Iudarum lepra, quæ non putrè, atramque bilem
agnovit, sed causſam longè superiorè, Dei nimirum iuſti
vindictis iram. Quæ quidem lepra antiquitùs sæuiebat
pro patrati sceleris conditione, quare ſi peccatum mi-
nus eſſet, in parietibus domus maculæ pullularent, ſi gra-
uius in veſtibus labes ſeſe proderet: ſi grauiffimum,
corpora ipſa fœdata temerarentur: qua ſanè contage,
perniciæque infecti xiiij. diebus à Protomyſte iudica-
bantur, num extra hominum conſortia, & Ciuitatis po-
mæria eſſent ablegandi, non enim ad eam proſtigandam
humana ſatis erat manus, ſed diuinâ potius opus
erat, cum nulla remedia illis adhibita conferrent, ſed
ſola Dei Optimi Maximi voluntas. Quidam vitiligi-
nis, aut lichenis ſpeciem extiſſe, ſunt arbitrati, veſti-
busque, & domibus accidiſſe duntaxat per analogiam,
cum inanimata quoque ſimilem putrilaginem nanciſci
poſſint. Nos tamen Theologis, & veritati congruen-
tius dici exiſtimamus, ſi diuinitùs lepram illam immiſ-
ſam fuiſſe demus pro ſingulari ſupplicio ad pleſtendam
Iudæorum achariſtiam. Nam Deus, quemadmodum

*Valleſius
lib. de Sa-
cra Phi-
loſ. cap.
19.*

Israeliticum Populum singularibus cumulauit priuilegijs, ita quoque turpem ingratitude in insolentibus, & valde atrocibus plexuit supplicijs.

Triste spectaculum grassantem, populantemque in humano corpore Lepram spectasse; Portento simile domum eadem colluue foedam, quæ Herum cum familia, & supellectile pellat. Diuorum plurimi portentosum hoc morbi genus sunt litteris testati, quibus re-niti non dubitauit Galenus, eo freius argumento, quod Hipp. nusquam ægritudinis causam reiecerit in Deos, quod omnes per æquæ diuinos profiteatur, quia à natura, hæc autem Dei ministra, quin eos fugillat, & velliat, qui in Deos morborum causas referunt. Verum-tamen deposita discipuli persona necessum est refragari Pergameno, qui, vr ait Otho Brusfelenfis, à sola corporis, & humorum temperie morborum causam trahens nullos à Deo infligi, aut curari impiè fabulatur: Nec est, quod suæ culpæ Hippocratem prætendat, ille enim cum Homero, & Hesiodo nonnunquam morborum esse causam diuinum Numen, ideoque ab eodem exordien-dam esse curationem liquidò profitetur, cum Deum in medicina minimè ociosum esse cognouerit. Quid ve-rò dilucidius, quàm quod primo Prognosticôn? Concep-tis ille verbis præcipit, vt sedulò inspiciamus, numquid aliquid diuinum in morbis sublit. Quid per Deum & dior illud, ni diuinum supplicium, quod Deus morbis attingendo in scelerum vindictam sumit? Hoc vt euita-ret Galenus, diuinum Aërem est interpretatus, eosque perstrinxit, qui ob iustâ Dei vindicis irâ morbos emer-gere animo duxerunt (Mosem autem, & Euangelio-graphos audit, qui nulla supposita ratione historias scripti-tarunt, quos alibet etiam sine demonstratione loquentes refellit.) Præterea eos quoque reijcit, qui decretorios dies in diuinam regerunt causam, quia incognita est,

& ino-

Lib. de morbo sa cro.

Lib. de Vi rg. morbis.

Lib. de Aere. L. A. Li. Phar-macorum simpliciū in Prafa-tione ad lect.

Lib. de Muliebri Na.

Lib. de Elegāti.

& inopinabilis. Iure autem hoc arguitur, quia non omnia, quæ arcanas, abditasque causas habent, diuina sunt nuncupanda, sed quæ proffus admiranda. Accedit, diiudicantium dierum causas non latuisse senem. Quare propriam subiicit sententiam, intelligendam esse æris conditionem, sed quia praua hæc aeris conditio à Cœlo fit, & declinari non potest, diuina dicenda est. Atque licet hæc sententia Hipp. accommodari possit, quia phrasi Latinis, Græcis, & Hebræis consueta ær Cœlum dicitur, vnde Diogenes ærem Deum appellabat, à veritate tamen abhorret, quoniam Galenus ipse eorum opinionem de diebus criticis vellicans, qui ad diuina recurrabant, non vtique, ait, diuinæ causæ, quia nec incognitæ, nec inopinabiles, nec admirandæ, licet ex Cœli motu, maximè verò Lunæ deriuentur. Præterea si propter Cœlum diuina appellanda forent, quæ ab eo pendent, vniuersum naturæ opificium esset diuinum.

Sed mittamus iam Galenum, qui in hoc inferiori mundo nil immortale cognouit, nec diuinum, quin ne animam quidem rationalem aliud esse putauit, quàm temperamentum, aut innatum calidum, nec aliter à suo Plat. doceri potuit. Faceffat igitur parumper, quando nec à discipulis eius fouetur opinio. Sunt, qui pro aere occultam, & deleteriam qualitatem è Cœlo deriuatam sufficiunt: Quæ sententia nec rei naturæ, nec Hipp. consentanea videtur, Cœlum enim Catholica causa est, & propter vniuersi conseruationem mouetur, non ad demolitionem. Verùm cedo, cur à Cœlo maligna, & fontica qualitas potius, quàm benigna, & manifesta dici diuina debet? Hercules siqua diuina appellanda foret, certè benefica, & vitalis, quum Cœlum boni studio nobis moueatur. Atqui Hipp. ipse cum æris, & eiusdem à Cœlo mutationum meminit, nihil interponit diuini.

*Lib. quod
Animi
mores,
&c.
Marsilius Ficinus
Mercurialis
Valerius
la.*

Nc-

*Perne-
lius.*

In Phys.

*Neoteri-
ci.*

*Quid sit
diuinū in
morbis.*

Neque eorum probatur opinio, qui τὸ θείον formæ totiusque substantiæ morbos interpretantur, quod fortassis in Physicis Arist. semel formam nuncupauit diuinam, nam eo modo vnumquodque diuinum esset, quum sua exoritur specie, & forma.

Multò minùs cuiusdam boni arridet opinio, qui diuinum caussarum syndromen, atque concursum intelligit. Homo plusculum philautos putat caussarum colligantiam, & implexum esse illud diuinum, de quo Prognosticôn primo fit mentio, quasi dixeris fatale. Vtpotè si quis misellus iter faciens magna repètè tempestatum, imbriumque vi obrutus tecta requirat, quæ plurimo distent intervallo, cogatur madida sub veste pernoctare. Tandem redeunte die post longos viæ errores in diuersorium secedat omni copia vacans, vbi nec lecti, nec ignis, nec mensæ facultas fiat. Cogatur cedere fame, & frigore pulsus. Interim præ stegnosi febribus corripitur validis, desiderètur Hospitia, Medici, pharmaca, soteria cuncta, fato moriatur.

Hoc putat ille diuinum in morbis. Sicinè per ambages diuina procedunt? Emoriar, si quicquam audierim inconsultius. Fato enim morimur multa consumpti senectute, & naturaliter, vnde ignis vrit fato. Quare meritò queritur soror Anna de Didone, quod in tempestiue mortem oppeteret.

*Nam quia nec fato, merita nec morte peribat
Sed misera ante diem,*

Cum Persæ Græcorum templa incendijs absumpsissent, & solo adæquassent, Iones instaurari vetuerunt, ut eorum spurca barbaries a singulis videretur. Ita mihi nefas, imaginofam hanc solertiam destruere, qui cupio ab omnibus videri.

Riolanus Enchetarum arrogantium proscindens, qui

qui primarum causarum intelligentia, se tandem acquirere posse Deum gloriabantur, modestius inquit, Socrates, cum diu, multumque in rerum humanarum, diuinarumque cognitione defudasset, hoc vnum se scire confessus est, quod nil sciret. Eadem modestia Hipp. in morbis diuinum quiddam inesse affirmabat, quod siue occultum, siue inexplicabile, siue coeleste, & à Deo profectum interpreteris, vt puta sceleratorum flagellum, fortassis ad Authoris mentem, haud dubie ad rei ipsius veritatem aptè, & accommodatè dixeris.

Et quamuis perinde accidat in Hipp. sententiis, atque in Thimantis opellis, in quibus plusculum semper aliquid intelligebatur, quam pingeretur, à nobis tamen, qui Catholicam fidem, atque ad eò veritatem ipsam profiteamur, sine ambagibus diuinum hocce, Dei esse voluntatem, credendum, quæ in scelorum vindictam, & alicuius ergo boni morbos incurrit. Ac, vt priuato utamur exemplo, mors Regis Ioram, qui per immane nefas Populsi à lege Dei auerterat, & fratres saua morte necauerat, ita describitur. Et super hæc omnia percussit eum Dominus alui languore insanabili, cumque diei succederet dies, & temporum spatia voluerentur duorum annorum expletus est circulus, & sic longa consumptus tabe, ita vt egeret etiam viscera sua, languore pariter, & vita caruit.

In hisce affectibus tota medendi Ars nihil potest, quod Dei ope destituatur: Id quod etiam Asiæ Regis euentus comprobatur, qui podagra mortuus est intra triennium, neque excessit quadagesimum primum ætatis annum, quia in infirmitate sua Deum non quæsiuit, sed magis Medicorum confidit peritiæ. Contra verò Ezechias cum ad mortem ægrotaret Deo iubente leuissimo medicamento, admota scilicet ficuum massa, ab Esaia sanatus est. Quare istorum maximè habenda prouiden-

dentia est cum Medico, tum ægroto Christiano, qui primo quoque tempore, quæ ad morituros pertinent, sanctè compositis, ita Arti fidere debet, ut Dei opem cni xè imploret, atque ita Deum obsecrare, ut Artem necessariam usquequaque ludibrio non habeat, quandoquidem & Sancti viri pharmacis utebantur, ut & Media adhiberent legitima ad sanitatem, & Medicinam sacerdotum Dei donum apud Homines commendarent.

*Quòd Deus servat, & purificat
Homines.*

C A P V T VII.



SAPIENTER Proclus, si quid aliud, scripsit, omne diuinum providere secundis, & ereptum esse ab ijs, quæ providetur; si quidem corporea substantia, quæ secunda est, spiritali, quæ prima meritò dicitur, subiecta est: Hinc Arist. non semel à Deo Cælum, & naturam pendere palam est confessus, in quam sententiam vniuersi Arist. interpretes incidentes à Deo conseruante, non producente pendere testantur, quòd putarit Philosophus Mundum Deo fuisse coæternum (ni fortè dicendum videatur, negasse quidem Arist. per generationem cœpisse, per simplicem verò emanationem, naturalemue processum, non isse inficias.) Quid quid senserit tandem Stagiritæ, res profectò postulat, ut dicamus, res vniuersas à prima illa causa dependere substantiæ, producere, & ad ipsam, seu vltimum finem referri. Deus enim est A, & ω, seu principium, & finis. Hinc Academicæ Scholæ proceres. Quæ sunt omnia sunt, & ab vno, & in vno, & ad vnum. Cuncta etenim
in

in Deo sunt vt in mouente, gubernante, & conseruante, (neque tamen ab eo vt sustentante materia, aut constituyente forma pendent) Cæterum quemadmodum res vniuersæ in Deo sunt, ita Deus vicissim in omnibus, non sanè secundum inhaerentem essentiam, vt ait Albertus, sed per illapsum, influentiam, & potestatem. Deus, inquit sapientiæ amatores, nulli mobili est extrinsecus per absentiam, verùm per inhaerentiam, cum enim Deus vbique sit, non potest non esse præsto. Quare re quia præclare scripsit Author Libri de Mundo, age in medium eius verba feramus.

Verus sermo est, inquit, à maioribusque proditus inter omnes homines vniuersa tum à Deo, tum per Deum constituta fuisse, atque coagmentata, nullamque naturam satis ad salutem instructam esse posse, quæ citra Dei præsidium suæ ipsa demum tutelæ permissa sit. Quocirca veterum nonnulli eoque prouecti sunt, vt hæc omnia dictarent, Deorum esse plena omnia hauriri que eorum spectra ab hominibus oculis, & auribus, reliquisque sensibus; Sententiæ illi quidem fundamenta iacentes diuinæ fortasse potentie, non item diuinæ naturæ congruentis; Etenim cunctorum, quæ rerum natura completur, cum seruator est Deus, tum vero quæcunque in hoc mundo quoquo modo perficiuntur, eorum omnium idem est genitor.

Non sic tamen ipse, vt opificis in morem, animalisque lassitudinem sentientis labore affici possit, vt qui ea facultate vtatur, quæ nulli

cedat difficultati, cuius ipse vi facultatis omnia
in potestate continet. Nec minùs etiam, quæ
longius ab eo videntur esse submota. Summam
igitur, & primam sedem sortitus ea de causa
ὤψατος, quasi supremus appellatus est, & (ut in-
quit Poeta) in summo culmine vniuersi Cœli
suum ipse habet domicilium situm, & colloca-
tum. Maximè verò vim eius sentit, numineque
eius fruitur ante omnia id corpus, quod proxi-
mè eum situm est. Tum quod secundum ab hoc
situm habet, & vnumquodque deinceps, prout
situum ordo ad nostrum vsque locum natura
constitutus est. Quo fit, ut terra, & terrena om-
nia, quum longissimè ab diuinitatis adminicula-
tione abscedant, tam infirmitate summa sint ip-
sa, concinnitatisque sibi consentaneæ, maximè
expertia, atque ideo multo tumultu exagitata.
Atqui cum hæc sit diuinum Numen naturâ com-
paratum, quo quoque versùs permeet, non mirum
eâ, in quibus ipsi versamur, ac nobis superiora,
pro eo quantus est accessus ad Deum, vel absces-
sus ab eo, eius opitulationem quoque sentiunt.
Proin id præstabilius esse censemus, Deoque
tam decentius, tum magis consentaneum, ita
de Deo opinari, ut dicamus potestatem illam in
Cœlo sedes habentem suas incolumitatis caus-
sam rebus vniuersis præstare, ijs que que qua ab
eo longius remota sunt. Paulo latius, inferius
addit. Quare augustius id, decentiusque exi-

stimandum est; Deum summo in loco ita esse collocatum, Numinis ut tamen vis eius per uniuersum mundum pertinens tum Solem, Lunamque moueat, tum cœlum omne circumagat, simulque causam prabeat eorum, quæ in terris sunt, salutis, atque incolumitatis.

de
Johann
Apo

Misset pudore iussus Rhœus filius, qui à Deo singula indiuidua regi denegauit, metuens ne bonitati diuinæ deogetur. Existimauit enim diuinum regimen cognationem habere cum humano in quo mediâ adhibentur, per quæ rector rebus sese aptat regendis, hinc in plura diducitur virtus, hinc exhauritur, hinc vilet eorum, quæ gubernat, contagione. At prima cœssa sine virium detrimento suæ bonitatis influxu cuncta temperat, & moderatur, quem Solis instar radios emittētis in uniuersum effundit, à quo singula pro naturæ suæ meritis perficiuntur. Nec rebus admiscetur Deus agendis, quod eius actio sit intelligentia, hæc autem substantia, quæ supra uniuersam est naturâ, quare nec eius detrahitur virtuti nec decori, quod putauit Auertrhois, quem admodum neque solaris radius, quia quoque peruadit versis, & diuersa pectinat corpora extenuatur, aut hebetescit. Hinc Auic. diuinâ inquit, manatio fit sine auaritia, & diminutione.

Lib. de
Viribus
Cordis.

Puro clarum lumine Phœbum
Melliflui cunit oris Homerus.
Qui tamen intima viscera serena
Non uales aut pelagi radorum
Infirma peruadere luce
Haud sic magni conditor orbis.
Huic ex alto cuncta tuenti
Nulla terra mole resistunt,
Nec non æris nubibus obstat.

Boetius.

*Qua sunt, qua fuerint, venturæque
Vno mentis, cernis in ictu
Quem quia respicit omnia solus
Verum possis dicere Solem.*

Lib. 3.
Philos.
conf.

Hæc graphice Boetius, qui ad concludendum Diu-
inum regimen his progreditur. Mundus hic ex tam
diuersis contrarijs partibus in vnâ formam minimè
conuenisset, nisi vnus esset, qui tam diuersa coniunge-
ret, coniuncta verò naturarum ipsa diuersitas inuicem
discors diffociaret, atque diuelleret, nisi esset vnus, qui
quod nexuit, contineret. Non tam verò naturæ ordo
certò procederet, nec tam dispositos motus locis, tem-
poribus, efficientia, spatijs, qualitatibus explicaret, nisi
vnus esset, qui has mutationum varietates manens ipse
disponeret. Hoc quid quid est, quo condita manent,
atque agitantur vñcato cunctis vocabulo Deum no-
mino.

Deus licet res omnes conseruet immediatè sua-
met actione eas attingendo, quasdâ tamen per se dun-
taxat, alias concurrentibus causis secundis in suo esse
tuetur.

Diuinum hoc imperium ante omnes fateri ille Hipp,
agnouit ad singula pertinens. Propia lib. de Elegantiâ
aperè faretur; Numen esse cuncta gubernans, terras-
que, tractusque maris, coelumque profundum. Sed
quod libro de morbo sacro scribitur, non ab Ethnico,
verùm à Christiano Theologo diuino spiritu afflato
expressum videtur. Vbi enim senex vlios eorum, qui à
Deo morbum sacrum proficisci arbitrabantur (vnde
sacrum dici putabant) reiecit opinionem, subiicit.

Non tamen ego puto hominis corpus à Deo
inquinari, sordidissimum scilicet à purissimo:
Verùm si contingat ab alio inquinari, aut quid
per-

perpeti, cupierit, utique à Deo purgari, ac purificari magis, quam inquinari. Deus itaque est, qui maxima, & sceleratissima peccata purgat, ac purificat, & liberatio nostra existit, ipsique terminos templorum, ac delubrum Dijs designamus, ut nullus, qui non purus sit, eos transcendat, & ingressi respergimur, non veluti qui inquinemur, sed si quod etiam scelus prius habemus purificemur.

Proh Hominū, Deūque fidem, potuine mortalis, & caduca natura aliū mentis aciem erigere, sanctiora potuine excogitare? Ut Deum boni, pulchrique fontem, ut eum mala committere non posse, ut malorum curam gerere, & scelere temeratos expiare protestatur? Ut ab eo sospitatis nostræ originem deriuat? Quis Hippocratem vel entheasticum non deieret? Miramur Platonicos diuinè de Deo loquentes, atqui maxima, & sceleratissima peccata à Deo dilui, nemo Gentiliū præter Hippocratem cum Israëlitis Vatribus cognouit. Si enim, inquit Paulus ad Rom. vnius delicto multi mortui sunt, multò magis gratia Dei, & donum in gratia vnius hominis Iesu Christi in plures abundauit. Ad hæc Christianas ceremonias, & ritus Ecclesiæ prorsus innuit, dū lustralibus aquis respergi homines antequam templa subeant, ut purificentur. Quid? Nonne in Baptismate aquis abluimur? Non ne prope valuas expositi manent latrices, ut his veluti piati à Dijs gratiam ineamus immortalibus? O Hippocratem maximum, & sacerrimum senem, qui non modò Artis Medicæ paragelmata nobis tradidit, verum & diuinæ pietatis semina iecit, quibus imbui admiramur, simul & veneramur manes diuinos.

Cæterum, antequam huic disputationi colophonem imponam, sciendum summum illum Plasmatores, Vniuersique opificem præordinasse quidem omnia in proprios fines, mediaque præfinisse, quibus vnaquæque res ad finem suum commodè perueniat, Mundi tamen gubernacula ad absolueda munera medijs causis commisisse. Inferiora enim corpora à superioribus reguntur, hæc autem à separatīs Mentibus, idque non ob diuinæ virtutis imbecillitatem, sed ob bonitatis impenitentiam, cum rebus à se creatis efficientiæ dignitatem impartiri voluerit. Hinc Platoniorum deprehenditur error, qui putarunt providentiam triplicem esse, quarum prima est famam Dei præcipue spiritualibus, & cœlestibus substantijs providentis, atque adeo toti Mundo solum tamen quoad genera, & species, & vniuersales causas. Secunda prouideretur rebus singularibus generabilibus, & corruptibilibus intra Lunæ orbem positīs, quam sane curam demandant secundis Dijs, qui cœlestia corpora cernunt. Tertia humanis consulitur rebus, cui Dæmones præficiunt, quos medios inter Deos, & homines constituunt.

Quod Fortuna magnam partem conferat ad bene, feliciterque medendum.

Brutus. Philaletes. Euthymius.

CAP. VI. VIII.

BR. Quid hoc est tandem, quod fortunam tota-
tis, cui maxime Syri templā, arasque dicant?
Itane sine mente sonus? Memini me legisse om-
nium primum Bupalum eius simulachrum effinxisse
polum

55
 polum in capite gestans, & manuum altera Amalthæa
 sustinens cornu. Sed eadem pictoribus, quæ Phanta-
 siæ libertas, humano capiti cervice iungere equinam,
 & varias inducere plumas, ut possint. Eandem audio
 (ita adoleuit fingendi licentia) Sortem, Nemefin, Ty-
 chen, Norciamque appellari, contrario semper fluitun-
 dam fluxu, & leuitate pernitem defultoria. Equidem
 ita tenuiter eam assequi mihi videtur, ut verear proflus,
 ne nomini quicquam sublit. *Phil.* Causa inanis phan-
 tasæ, signum credas. Fortuna, quod temere, &
 sine ratione feratur dicta est, etenim accidentium re-
 rum subitus, & inopinatus est euentus. Quis enim Hi-
 staspis filium Darium Pheretrophorum ad regiam di-
 gnitatem euectum conspicatus, fortunam non profi-
 teatur? Pone tibi ob oculos Archelaum Regem Sima-
 che Ancilla natum, Perseum Argium quidem, sed è
 vulgo, Antigonum, Polyparchum raponem, Phocio-
 nem, Cleonem, quid aliud, putas, quam fortuna eluce-
 scet? Rectè Agatocles apud Ausonium

supra. Fortunam reuerenter habet, quicunque repente

transiit. Dives ab exili progrediens loco

Non possumus Brute, non possumus, quin fortunæ
 manus demus, & quod aiunt, herbam porrigamus, ma-
 gnum habet imperium. *Br.* Non ego icrim, inficias ex
 libera loquendi libidine, quid quid præter ordinem, &
 opinionem accidit, id fortunæ acceprum ferri. At sanè
 cum vniuersa ex certa causa hant, iure videntur mihi
 antiquorum quidam fortunam exterminasse, utpote
 quæ duntaxat verbo tenus existit. Verum, serio, si ali-
 quid esse putas, in quo rerum genere collocas?

An ad actionem reuocare placet, cum circa practi-
 ca versari dicatur? Arist. quippe eandem propè esse,
 quæ foelicitas, opinatus est, hæc autem eupraxia, siue
 bona actio. *Phil.* Profectò Arist. inter efficiens caus-

fas recenset, (Pulchrè enim demonstravit Alexander in
 alias causas non esse derivandam) verùm quæ per ac-
 cidentis cum verò accidentiam hanc alicui inhaerescere
 substantiæ sit necessarium, utique fortuna ad efficientem
 per se causam reducenda est. Atqui cum efficientium
 tria sint genera, Mens quippe, Ars, Natura, siue facul-
 tas (quod enim in *Physicis* Philosophus naturam, in
Metaphysicis facultatem appellat) horum alicui inni-
 ratur, oportet. Videtur autem pratico intellectui, à
 quo non nisi rationis discerniculo distinguitur. Verùm
 ut planius constet eius vis, atque natura, à finitione su-
 mmam initia. Plato fortunam definit causam, quæ se-
 cetur, & incidat rebus, quas facere elegimus. Aristot.
 verò, causam, quæ hisce rebus interueniat, quas alicuius
 gratia, & volentes facimus, obicurat tamen, & insti-
 bilem, Vident ut fortuna electionem excepiat, nec autem
 intellectum sequatur. *Br.* Putas igitur fortunam à men-
 te, & à consilio non separari. *Phil.* Cum circa ea dun-
 taxat, quæ à nobis agi, gerique possunt, versetur, à vo-
 luntate, & consilio dirimi, diuellique vix possit. Hocque
 interest inter alias causas interficidentes, & fortunam,
 quod illæ singulæ causis per se accidunt, in fortuna ve-
 rò una, eademque actio alterius certa, & definita per se,
 alterius causa per accidens evadit. *Br.* Quæ sit igitur,
 ut fortuna minima sit, ubi mens, & ratio multa? *Phil.*
 Quod præter agentis consilium accidit, atqui maxime
 intelligenti, & sapienti, qui sagacitate plurima præui-
 det, per pauca præter opinionem elidit. *Br.* Videris
 profecto fortunam aliquam obicille imaginari, ut dein-
 ceptus ad credendum inducat, nullo negotio. Ceterum
 si consilium, & actiones nostras sequitur fortuna, unde
 unusquisque suam fortunam faber dicitur, cur non omnes
 peræque obsecundat, sed illum opprimat, pessundatque
 hunc erigat, & extollat? Si peritiam, ut ait Plato, efficit,

37
ut vita nostra per artes incedat, imperitia, ut temere
circumuagetur, cur alogos, & inertes aliquot Medicos
videas fortunatissimos? Si circa practica versatur for-
tuna, quod quis agit consultius, eo esse debet fortunatior.
Non sine tamen admiratione identidem contrarium
est cernere. Qui sit hoc? *Phil.* grandem profecto mi-
hi inijsis scrupulum, quem ego nisi re maturè expensa
non eximam. Est sanè dignus vindice nodus, cui sup-
par ego. Sed ecce properantem video Euthymium il-
lum iatronicem, ipse satis bellè faciet. Te saluere iube-
mus, & opportunè, ita viuam, ades nobis Euthymi do-
cissime. *Euth.* Huius diei exortum vobis quoque foe-
licissimum peropto elegantissimi iuuenes. Sed quæ vos
tenet sollicitos anxietas? Exprimite, si quid est, quod
consilium, aut operam meam desideret. *Phil.* Est profe-
cto, & ni quàm primum huc concedebas, me exercebat
impensius, quæ & Claudianum penè transuersum egit,
ambiguitas, Cur improborum (inscitia enim comitem
semper habet malitiam) potiùs, quàm meliorum for-
tuna rationem habeat?

Sed cum res hominum tanta caligine volui

Aspicerem, lætosque diu florere nocentes,

Vexarique pios, rursus labefacta cadebat

Religio, caussaque viam non sponte sequebar

Asterius, vacuo qua semina currere motu

Affirmat, magnumque nouas per inane figuras

Fortuna, non arte regi.

*Claudia-
nus.*

Cur scilicet impij insipientes, super bonos, & sapien-
tes efferrantur? Non me præterit, quid afferant ex Pe-
ripatetico Auditorio nonnulli, sed neque rectè difficul-
tatem diluunt, neque probantur mihi. *Euth.* Ad magna
me euocatis mysteria, quæ sacrum potiùs desiderent
Philosophum, quàm Apollinis Discipulum. Dicam

*Io. Hæm
ses lib. 1.
Scrut. in-
geniorum.*

H tamen

tamen misso tantisper Aristotele, vt vobis morem geram, à Platoniciis fortunam à singulari Dei prouidentia non distingui: Quare cum eius obtutum nihil possit ef-
fugere, eorum quoque curam gerit, qui nauci sint faciendi, vt vel bonorum omnium perfusi delitijs Authorem suum agnoscant, & ad frugem redeant, vel certe studiosa eorum aliqua actio prætereunte, & euanido rependatur commodo: Nullum enim bonum irremuneratum relinquit Deus. Sed video vos aliquid amplius desiderare; Seiendum itaque fortunam interdum voluntatem, & intellectum significare, qui præcipua, & proxima perhibetur causa fortunæ inopinati euentus ratione, hinc Arist. fortunam & casum dixit. Intellectum, & naturam. Dein fortuna accipitur pro dispositione, & illice, quo agens ad agendum proritat, vnde succedit actioni non intenta effectio, & hoc pacto desiderium, illicitum, cognitio dici possunt fortuna, quæ à Proclo ita finitur, vt sit vis demoniaca causas inordinatas inuicem connectens.

Nonnunquam fortuna de Cœlo dicitur, quod eufortunij, aut infortunij his mortalibus sit causa, propterea globo insidens effingitur. Accipitur, denique pro influentia, vt apud Albertum Magnum, Fortuna, inquit, est qualitas à Cœlo profecta iuxta natiuitatis periodum, à qua quispiam aptus, aut ineptus ad foelices successus redditur.

Hinc D. Thomas Astra, inquit, vim animis nostris imprimunt, per quam operamur, quod melius est, quæ vi dicimur fortunati, vt Medicus medendo, Imperator pugnando: Hanc Arist. in Rhet vocat nobilitatem diuinæ potentiae. *Br.* Partim Theologica, partim Physica nobis obtrudens dubij attulisti solutionem. Sed non vides quàm refractarium tuum habeas Hipp. qui
lib.

lib. de locis in homine. Si morborum certa sunt
medicamenta, inquit, vt sunt, quorsum fortuna
opus est? Aut si in exhibitione medicamento-
rum fortuna aliquid confert, non magis perfe-
ctè medicamenta, quàm non medicamenta cum
fortuna exhibita morbis proderunt. Quare con-
cludit; Qui medicinam perfectè callet, minimè
fortunam respicit, aut expectat.

Hæc Hipp. & rectè ædepol, vbi namque ratio viger,
nullum fortuna videtur habere posse locum, Ars verò
mentis habitus est recta cum ratione effectiuus. *Ensh.*
Itane obijcis Hipp. ab Arte Medica fortunam aman-
dantem? Ego verò tibi inducam palam admit-
tentem.

Ita enim ille libro de Arte. At neque ego for-
tunam ab operibus vllis excludo. Quin po-
tius existimo morbis, qui malè curantur, vt plu-
rimum infortunium accidere; Qui benè, eos bo-
nam fortunam nancisci. Paulo autem post sub-
dit. Cæterum dicet hîc aduersarius, multos iam
ægros citra Medicorum vsum sanatos fuisse, &
ego id dicentibus credo. Videtur autem mihi
omnino fieri posse, vt qui medicis non vtuntur,
in medicinam incidunt, non quidem vt sciant,
quid in ipsa rectum sit, quid non sit, sed quia for-
tuito genus illud curationis offertur, quo vti
fuissent, si Medicos adhibuissent. Hæc Hipp.

Videtur ne tibi fortunam agnouisse Hippocr. Certe
non potes ire inficias, quum tam explicatè men-

tem prodiderit suam. Verum, ut hoc amplius constet, repetendum, curationem vniuersam per contrarium fieri, (quamquam hoc temere ausus est infringere perniciosissimus Paracelsus) hoc autem duplex est, intrinsecum vnum, alterum extrarium; illud natura ipsa est, virtus quippe rector omnium naturalium virium aggregatione coagmentata, ut docuit Galenus, quæ functionum omnium opifex est: Hinc Hippocrates naturam morborum omnium medicatricem nuncupauit. Quod respexit & Melissus animaduertens actionem soluentis medicamenti fieri discernente, & imitante natura, humorumque expulsionem ipsius esse naturæ opus, pharmacum verò eiusdem machinamentum, operatur verò natura, ceu per intestina instrumenta, per calorem, spiritum, & temperamentum. Extrarium verò contrarium est præsidium à Dieta, Chirurgia & Pharmacia petatum, quod sanè per fortunam, Medicum, & Assistentes adhiberi debet, tamquam per sanitatis efficientes causas. Propterea Galenus ipse prodidit, fortunam quidem, Artem, & Artificem materierum interuentu agere.

Ex hoc conficitur, ut fortuna non minimam partem conferat ad bene medendum.

*Metb. 11
6. 1.*

Vnde Galenus, At verò, ait, cum causæ sanitatis sint omnia, quæ sanitatem efficiunt, vna certe earum est, quod auxilium vocatur, quod pro varijs notionibus & vltima, & prima sanitatis causa rectè dicitur. Quippe tempore vltima erit, propterea quòd tempore Natura, & Ars, & Fortuna priores sanitatis causas sunt.

*3. de Loc.
aff. 7. 7.*

Alibi verò idem Galenus, ait. Sæpe fortuna non contemnenda adipiscenda laudis ansam Medico suggerit, ea tamè vulgus Medicorum ob imperitiam uti nescit.

Hinc

Hinc etiam fortunam viam præbuisse Galeno, lege-
re est, & bonam fortunam secutam esse Galenum. De-
finat posthac igitur Betus ille deblaterare, & Medicos
vulgares, & superficiales vocitare, qui Medicum oportere
esse fortunatum distitant. Perquam necessaria
videtur mihi fortuna.

S. de &
Aff.
De Pre-
cognitione.
Comm. in
Aulic. li.

Verum sunt, qui in contraria Hippocr. loca in-
cidentes ex parte ægri, & ex parte medentis fortu-
nam admittunt in arte. Ex parte quidem Ægri, si
peritum, & fidelem Medicum nanciscatur, pro-
pterea Galenus languentes illos fortunatos appel-
labat, qui in præstantem Medicum inciderent, in-
fortunatos; qui in prauos & inscitios. Ex parte verò
medentis, si curatu faciles, & satubres morbi occur-
rant, ægrique, & assidentes opportuna facientes. Br.
Platonis in mentem venit, qui à Deo, & fortuna hu-
mana omnia gubernari asseruit. Enth. Profectò Hip-
pocr. fortunam ab arte Medica non excludit, utpote
quia ubi Numen in Medicina minimè ociosum esse di-
xit, pharmacaque, & omnes Medici conatus inde agen-
di vim suscipere. Propterea hanc fortunam nonnulli
interpretati sunt, Diuinā benedictionem, qua medendi
scientia delibura felicissimos gerit effectus, cum uni-
uersa à Deo pendeant, qui omnia in omnibus, ut ait
Paulus, operatur. Mentis igitur, & Moris bonitatem
quærat, qui fortunæ studio profui concupiscit: Recte,
enim, & prudenter agendo Dijs gratum facimus, à
quibus bona fortuna. Propterea antiquitus infortu-
nati declinabantur tamquam Dijs inuisi.

1.
Capiua-
cens lib.
de Me-
thod. De
Etrin. c. 9.

Lib. de
Eleg.

Senner-
tus.
Lib. Insti-
tutionum
Medic.

*Nullum Numen abest, si sit prudentia, sed nos
Te facimus fortuna Deum, caloque locamus.*

*Quod vulgò fortunæ tribuitur, sacra paginæ in
Deum*

Deum referunt Exod. 21. 14. Fortuitò nihil accidit
Exod. 21. 13. Deut. 19. 1.

Hæc sunt eruditissimi Iuvenes, quæ mihi ex tem-
pore inter ambulandum in mentem venerè, quibus
scio, me non fecisse satis, quòd maior sit difficultas,
quàm ut à me protinus enodari, atque resolui queat.
Æqui igitur, bonique faciat, dum meliora succur-
rant.

F I N I S.

Errorum

Castigatio.

Pag. vj. lin. vij. inculcet	inculcat
Pag. xij. lin. xxvj. ab Hippocratem	ab Hippocrate
Pag. xv. lin. xxxi. secretionem	secretione
Pag. xxv. lin. xiv. crassioris ministerio	crassioris portione
Pag. xxv. lin. xxxiv. Hanc	Hanc
Pag. xxx. lin. v. ordine, & ratione	ordine *
Pag. xxx. lin. xiv. Expectari	Expectarit
Pag. xxxij. lin. ix. confiet	conficiet
Pag. xxxv. lin. viij. illa Mundo	illa de Mundo
Ibidem eam factus	an factus
Pag. xxxij. lin. xiv. quæ	quam.
Pag. xxxix. lin. ij. sustentante	sustentante.